



Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 19. Zakona o prostornom uređenju "Službeni list SRBiH", broj 9/87, 23/88, 24/89, 10/90, 14/90, 15/90 i 14/91/ i člana 2. Uredbe sa zakonskom snagom o primjenjivanju Zakona o prostornom uređenju za vrijeme ratnog stanja ili neposredne ratne opasnosti / „Služben list RBiH“ broj 16/92/, člana 3. Statutarne Odluke o obrazovanju općina u skladu sa Ustavom Federacije i člana 126. Poslovnika o radu Općinskog vijeća („Službeni glasnik Općine Breza, broj 3/11-prečišćeni tekst) ,Komisija za Statut i propise Općinskog vijeća Breza, na sjednici održanoj 18.12.2014. godine, utvrđuje:

ODLUKU
o određivanju naseljenih mjesta u kojima je obavezno određivanje imena ulica na području općine Breza
(Prečišćeni tekst)

Član 1.

Ovom odlukom se određuju naseljena mjesta na području općine Breza u kojima je obavezno određivanje imena ulica i obaveze označavanja zgrada brojevima.

Član 2.

Na području općine Breza obavezno je određivanje imena ulica i trgovina u sljedećim naseljenim mjestima:

1. Naseljeno mjesto Breza
2. --/ Banjevac,
3. --/ Bulbulušići,
4. --/ Kamenice,
5. --/ Mahala,
6. --/ Potkraj,
7. --/ Smailbegovići,
8. --/ Založje,
9. --/ Župča,
10. --/ Sutješćica

Član 3.

U naseljenom mjestu Breza određuju se imena sljedećim ulicama:

1. Ulica koja počinje od apoteke i ide u pravcu Vareša do prelaza preko rampe za Bukovik određuje se ime ulice „ŠEHIDSKA“
2. Ulici od doma u Mahali do apoteke određuje se ime ulice „ALIJA IZETBEGOVIĆ“
3. Ulici od Mahalske džamije bivša pruga do Stavnje određuje se ime ulice „PATRIOTSKE LIGE“.
4. Ulici „6 APRIL“ ostaje staro ime.

5. Ulici koja ide do zelene zgrade ostaje ime ulice „DŽEMALA BIJEDIĆA“
6. Ulici koja ide pored katoličke crkve prema „Termi“ određuje se ime ulice „FILIPA LASTRIĆA“.
7. Ulici koja ide prema Bazilici određuje se ime ulice „DESITIJATSKA“.
8. Ulici koja ide pored Bečarske do starog mosta određuje se ime ulice „STARI MOST“.
9. Ulici „MUSTAFA KEŠKIĆ“ ostaje staro ime.
10. Od objekta 29-tke prema Stavnji određuje se ime ulice „NIKOLE ŠKOBIĆA“.
11. Ulici Ismeta Šarića-Slobodana određuje se ime ulice „ISMETA ŠARIĆA“,
12. Ulica Jurjavčića određuje se ime ulice „TIČIJA“.
13. Prvi desni krak Tičije ulice koji vodi za Sutješćicu određuje se ime ulice „SUTJEŠKA“
14. Drugom desnom kraku iz Tičije ulice određuje se ime ulice „SMREKOVAČKA“
15. Ulici od Vatrogasnog doma do raskršća sa ulicom Hasana Kafije određuje se ime ulice „BOGUMILSKA“
16. Ulici od raskrsnice kod zgrade „Albanije“ do raskršća sa ulicom „Hasana Kafije“ određuje se ime ulice „TITOVA“
17. Od hotela na sjever ostaje naziv ulice „STARA KULA“
18. Ulici „SALKE BEŠLAGIĆA“ ostaje staro ime
19. Nastavak ulice na ulicu Salke Bešlagića koja polazi pored bivše veterinarske stanice određuje se ime ulice „STARE JAME“, u pravcu sjevera do kuće Hamzić Faruka
20. Od benzinske pumpe preduzeća „Sretno“ ulica koja vodi na Založje nosi ime ulice „JASIKE“ koja se ne mijenja.
21. Ulica od hotela do raskršća određuje se ime ulice „ZAVNOBIH“.
22. Ulici od stanice Policijske uprave do pošte određuje se ime ulice „HASANA KAFIJE“.
23. Ulici kroz zanatski centar I i II određuje se ime ulice „BOSANSKA“
24. Od mosta lijevo od željezničke pruge u Bati određuje se ime ulice „BRIGADNA“.
25. Od mosta desno do željezničke pruge u Bati određuje se ime ulice „ALIJE ALIKAFIĆ“.
26. Iz Brigadne ulice, ulici koja ide na istok i lomi se ka sjeveru određuje se ime ulice „7 MART“.
27. Iz ulice dr. Alije Alikafića ulici koja ide na istok i lomi se ka jugu određuje se ime ulice „8 JANUAR“.
28. Prostor između ulica Bosanskih namjesnika, Hasana Kafije, Bosanske i Zavnobih-a određuje se ime ulice „TRG RUDARA“.
29. Novoizgrađena ulica od vatrogasnog doma do raskršća sa ulicom Odred Sretno nosi naziv „ŽRTAVA GENOCIDA U SREBRENICI“

Član 4.

U naseljenom mjestu Banjevac, određuju se sljedeća imena ulica:

1. Ulica od benzinske pumpe do Puta solidarnosti određuje se ime ulice „GLAVNI SOKAK“.
2. Prvom desnom kraku od ulice Glavni sokak prema selu Gornja Breza određuje se ime ulice „LUKA“,
3. Drugom desnom kraku od ulice Glavni sokak određuje se ime ulice „BANJEVAČKA“.
4. Ulici od stare bolnice paralelno sa potokom na zapad određuje se ime ulice „1907.GODINE“

Član 5.

U naseljenom mjestu Bulbulušići određuju se sljedeća imena:

1. Ulici od željezničke pruge prema selu Koritnik određuje se ime ulice „HASANOVIĆI“.
2. Od ulice Hasanovići do kuće Šahića određuje se ime ulice „GRABOVIK“.
3. Kružnoj ulici kroz novo i staro naselje Bulbulušići određuje se ime ulice „BULBULUŠIĆI“
4. Novom naselju koje počinje od ulice Bulbulušići i spaja se sa ulicom Grabovik određuje se ime ulice „ALIJA SIROTANOVIĆ“.
5. Nastavak ulice Grabovik na jug sa završetkom u dva kraka određuje se ime ulice „KAMENJAČA“.
6. Od ulice Bulbulušići do sela Kamenice određuje se ime ulice „TELALOVIĆI“.
7. Ulici od prelaska preko mosta na Stavnji pored željezničke stanice do mosta u Mahali određuje se ime ulice „ŽELJEZNIČKA“

Član 6.

U naseljenom mjestu Kamenice određuju se sljedeća imena ulica:

1. Ulici od početka ovog naseljenog mjesta kroz cijelo selo do pogona okna Kamenice određuje se ime ulice „ARMIJE BIH“.
2. Ulici od početka ovog naseljenog mjesta pravcem stare pruge do pogona Okna Kamenice određuje se ime ulice „PODLUG“
3. Ulici koja počinje od ulice Armije BiH i ide oko mektefa određuje se ime ulice „BEGA TURHANIJE“ .
4. Od početka naseljenog mjesta Kamenice na zapad sa bokom do jezera određuje se ime ulice „PODKAMENJAČA“.
5. Ulici koja ide desno od ulice Armije BiH do tunela određuje se ime ulice „AGANOVIĆI“.
6. A lijevo od ulice koja ide prema selu Koritnik određuje se ime ulice „PRIKODOLICA“.

Član 7.

U naseljenom mjestu Mahala određuju se sljedeća imena:

1. Ulici od Stare džamije u Smailbegovićima do doma u Mahali određuje se ime ulice „BRANILACA GRADA“.
2. Ulici od skretanja sa glavne saobraćajnice za Visoko do preduzeća GIP „Sretno“ određuje se ime ulice „ODRED PLANA“.
3. Ulici od škole u Mahali pored Stavnje do doma u Mahali određuje se ime ulice „dr. MEHMEDA SPAHE“.
4. Prvoj vezi između ulica Patriotske lige i ulice Dr. Mehmeda Spahe određuje se ime ulice „HERCE“.
5. Drugoj vezi između pomenutih ulica određuje se ime ulice „DERVIŠEVIĆI“.
6. Prvom desnom kraku od ulice Branilaca grada u naseljenom mjestu Mahala određuje se ime ulice „DINAREVIĆI“
7. Drugom desnom kraku određuje se ime ulice „MAMELE“
8. Trećem desnom kraku određuje se ime ulice „JAME“
9. Ulici koja povezuje ulicu Branilaca grada i ulicu Dr. Mehmeda Spahe, određuje se ime ulice „NEFIĆI“.
10. Sljedećoj ulici koja prolazi kroz sredinu starog naselja Mahala određuje se ime ulice „ZELENI PUT“.
11. Do nje na sjevernoj strani prolazi ulica kojoj se određuje ime ulice „BOŠNJAČKA“
12. Ulici od Udarnikove prodavnice prema Stavnji određuje se ime ulice „TRZANSKA“.

Član 8.

U naseljenom mjestu Potkraj određuju se sljedeća imena ulica:

1. Ulici od prelaska puta preko rudničke pruge do Stare džamije u Smailbegovićima određuje se ime ulice „RUDARSKA“.
2. Ulici od prelaska preko pruge kroz Kahve do pogona okna Kamenice, određuje se ime ulice „KAHVE“.
3. Ulici koja se odvaja od glavne ulice i ide na sjever paralelno sa rijekom Stavnjom određuje se ime ulice „JURJEVSKA“.
4. Ulici od mosta sa druge strane rijeke do jezera određuje se ime ulice „JEZERSKA“.
5. Ulici od privremenog prelaska preko pruge duž željezničke pruge na jug određuje se ime ulice „STARA PRUGA“.
6. Ulici od mosta u Vrboviku do prelaza preko željezničke pruge određuje se ime ulice „ŠAŠ“.
7. Prije prelaska preko pruge prema selu Potkraj vodi ulica kojoj se određuje ime ulice „SKLADOVI“.
8. Ulici koja vodi pored fabrike „VITEX“ za selo Potkraj određuje se ime ulice „PUTINA“.

Član 9.

U naseljenom mjestu Smailbegovići određuju se imena sljedećim ulicama:

1. Ulici koja polazi od rijeke Stavnje pored Stare džamije i ide do mehtefa određuje se ime ulice „STARA DŽAMIJA“.
2. Ulici koja počinje od škole u Mahali i ide do završetka puta prema Potkraju kroz sredinu sela određuje se ime ulice „SMAILBEGOVA“
3. Ulici koja se odvaja od ulice Smailbegove na zapad pri ulasku u selo određuje se ime ulice „JURVA“.
4. Ulici od česme na sred sela pa na zapad starim visočkim putem određuje se ime ulice „VISOČKI PUT“
5. Ulici koja ide paralelno sa rudničkom ogradom na jug određuje se ime ulice „ŠIPOVI“.
6. Ulici koja počinje sa ulice Branilaca grada i ide na zapad određuje se ime ulice „NOVO NASELJE“.

Član 10.

U naseljeno mjestu Založje određuju se imena sljedećim ulicama:

1. Ulici od zgrade Partizan kroz naselje Založje do sastava sa ulicom Odred Plana, određuje se ime ulica „ODRED SRETNO“
2. Ulici od pilane kroz Založje do izlaza na ulicu Branilaca grada određuje se ime ulice „29. APRIL“
3. Iza ulica 29. april na sjeverozapad idu dvije paralelne ulice, prvoj se određuje naziv ulice „MUSE ELVEDINA“
4. Drugoj se određuje naziv ulice „GANIĆ HALIDA“.
5. Ulici od sastava ulica Odreda Plana i Sretno prema Visokom određuje se ime ulice „PUT SOLIDARNOSTI“.

Član 11.

U naseljeno mjestu Župča određuju se imena sljedećim ulicama:

1. Ulici od regionalnog puta preko željezničke pruge do kuće Dinar Avde određuje se ime ulice „HAMDIJE ČEMERLIĆA“.

2. Ulici od kuće Grbo Hazema preko rijeke i Željezničke pruge kuće Omerhodžića određuje se ime ulica „MRAMORSKA“.
3. Ulici koja ide paralelno sa željezničkom prugom od rijeke Stavnje na jug, određuje se ime ulice „STAVNJA“.
4. Ulici koja ide od kuće Dinar Avde do raskrsnice na Menjacima određuje se ime ulice „SAFVET-BEG BAŠAGIĆ“.
5. Ulici od Menjaka do doma u sredini sela određuje se ime ulice „MULA MUSTAFE BAŠESKIJA“.
6. Ulici koja se lijevo odvija od ulice Mula Mustafe Bašeskija i ide prema stadionu do kuće Muratović Omera , određuje se ime ulice „MEŠE SELIMOVIĆA“.
7. Ulici od Trga imama na jug određuje se ime ulice „VIDONJA“.
8. Ulici od Trga imama do ulice Sarajevski put određuje se ime ulice „dr. ALIJE SILAJDŽIĆA“.
9. Ulici od Trga imama do Trzna određuje se ime ulice „GAZI HUSREF BEGA“.
10. Ulici od Trga imama do kuće Omerhodžić Midhata, određuje se ime ulice „dr. AHMEDA SMAJLOVIĆA“.
11. Ulici od Trga imama i ide desno kroz Begiće određuje se ime „MUJEZINOVA“.
12. Ulici koja ide lijevo od ulice Mula Mustafe Bašeskija kroz Imamoviće i izlazi na trg Imama određuje se ime ulice „HADŽIJSKA“.
13. Ulici koja se odvaja desno od Gazi Husret-begove do kraja određuje se ime ulice „HUSEJINA ĐOZE“.
14. Ulici koja počinje od Trzna i ide do stadiona određuje se ime ulice „HUSEJINA KAPETANA GRADAŠČEVIĆA“.
15. Slijepoj ulici od Trzna u pravcu sjevera od zgrade Čučuk Zijada do kraja, određuje se ime ulice „MUSE ĆAZIMA ČATIĆA“.
16. Ulici koja se odvaja od Trzna i ide do zgrade Omerhodžić Ramiza određuje se ime ulice „DERVIŠ HASANOVA“.
17. Ulici koja se odvaja od Trzna i ide do ulice Sarajevski put, određuje se ime ulice „DŽEMALUDINA ČAUŠEVIĆA“
18. Ulici koja polazi od kuće Omerhodžić Vahida i ide na zapad do kraja, određuje se ime ulice „GORICE“.
19. Ulici od kraja ulice Alije Silajdžića prema Izvodu, određuje se ime ulice „SARAJEVSKI PUT“.
20. Ulici koja polazi od Sarajevskog puta i ide na istok prema selu Podgora određuje se ime ulice „DŽAMIJSKA“.
21. Ulici koja polazi od Trga Trzna i ide kroz Omerhodžiće do kraja određuje se ime ulice „MAKA DIZDARA“.
22. Ulici koja ide od ulice Derviš Hasanove na sjever, određuje se ime ulice „PATARENSKA“.
23. Trgu na sredini sela Župče, određuje se ime ulice "TRG IMAMA"
24. Trgu na sastavu ulica Derviš Hasanove, Kapetana Gradašćevića i ulice Džemaludina Čauševića, određuje se ime ulice „TRG TRZAN“.

Član 12.

Stupanjem na snagu precišćenog teksta odluke prestaje da važi Odluka o utvrđivanju naseljenih mjesta kojima je obavezno određivanje imena ulica na području Općine Breza broj.: 01/1-023-64/91 od 28. marta 1991. godine i Odluke objavljene u ("Sl. glasniku Općine Breza broj :7/2003, 7/2005, 2/2006, 10/2007").

Član 13.

Precišćeni tekst odluke obuhvata Odluku o određivanju naseljenih mjesta u kojima je obavezno određivanje imena ulica na području općine Breza broj 01/2-023-62/95 od 18. marta 1995 godine, Odluka o izmjeni i dopuni Odluke o određivanju naseljenih mjesta u

kojima je obavezno određivanje imena ulica na području općine Breza (Sl. glasnik Općine Breza broj: 7/2003), Odluka o izmjeni i dopuni Odluke o određivanju naseljenih mjesta u kojima je obavezno određivanje imena ulica na području općine Breza (Sl. glasnik Općine Breza broj: 7/2005), Odluka o izmjeni Odluke o određivanju naseljenih mjesta u kojima je obavezno određivanje imena ulica na području općine Breza (Sl. glasnik Općine Breza broj: 2/2006), Odluka o izmjeni i dopuni Odluke o određivanju naseljenih mjesta u kojima je obavezno određivanje imena ulica na području općine Breza (Sl. glasnik Općine Breza broj: 10/2007) .

Član 14.

Prečišćeni tekst ove Odluke stupa na snagu danom objavljivanja u Sl. glasniku Općine Breza.

Broj:01/1-02-2930/14
Breza,18.12.2014.godine

PREDSJEDNIK KOMISIJE
ZA STATUT I PROPISE
Mamela-Herco Mersiha,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 6., 46., 63., 68. i 83. Zakona o građevinskom zemljištu Federacije Bosne i Hercegovine ("Službene novine FBiH", broj 25/03), i člana 27. Statuta Općine Breza ("Službeni glasnik Općine Breza", broj 1/99, 4/99 i 7/99) i člana 126. Poslovnika o radu Općinskog vijeća(„ Službeni glasnik općine Breza broj 3/11- prečišćeni tekst) ,Komisija za Statut i propise Općinskog vijeća Breza, na sjednici održanoj 18.12.2014 godine, utvrđuje:

ODLUKU **o građevinskom zemljištu** (Prečišćeni tekst)

I - OSNOVNE ODREDBE

Član 1.

Ovom Odlukom propisuju se uslovi i način dodjele gradskog građevinskog zemljišta u državnom vlasništvu na korištenje radi izgradnje trajnih građevina, postupak i kriteriji za određivanje reda prvenstva pri dodjeli gradskog građevinskog zemljišta na korištenje putem javnog konkursa, određivanje prava prvenstva pri dodjeli gradskog građevinskog zemljišta na korištenje putem neposredne pogodbe, propisuju se osnovi i mjerila za određivanje naknada za dodjelu, uređenje i korištenje gradskog građevinskog zemljišta, rokovi i način plaćanja naknade za korištenje gradskog građevinskog zemljišta, način vođenja, raspoređivanja i usmjeravanja sredstava naknada i odgovornosti za neizvršavanje odredaba ove Odluke.

Član 2.

Građevinskim zemljištem u smislu ove Odluke smatra se gradsko građevinsko zemljište i ostalo građevinsko zemljište.

Gradsko građevinsko zemljište će se utvrditi posebnom odlukom Općinskog vijeća.

Ostalo građevinsko zemljište je građevinsko zemljište naselja, sa granicama (po obodnim česticama) utvrđenim Prostornim planom i to:

- a) Naselja u urbanom području Gornja Breza:
- Prhinje, Vardište i Vijesolići
- b) Naselja u urbanom području Slivno:
- Slivno, Trtorići, M.Rijeka i Orahovo
- c) Naselja u urbanom području Župča:
- Podgora, Vlahinje i Izbod
- d) Naselja u urbanom području Bukovik:
- Bukovik i Koritnik
- e) Naselja u urbanom području Kamenice:
- Kamenice i Grabovik
- f) Građevinsko zemljište van urbanih područja i to:
- dio naselja Kolovaj
 - dio naselja Gornja Breza - Subotići - Dužice
 - zaseok Vrankamen
 - zaseok Košare sa Jasikama
 - zaseok Ploče
 - zaseok Opreč - Crema - Seoce
 - zaseok Kujave
 - dio naselja Vardište - Zaputje
 - zaseok Radinja
 - zaseok Nasići
 - zaseok Dolovčići
 - zaseok Očevlje
 - dio naselja Župča
 - dio naselja Podgora
 - zaseok Erići
 - zaseok Gaj"

Granice naselja iz prethodnog stava su utvrđene Prostornim planom Općine Breza i Odlukom o provođenju Prostornog plana općine Breza.

Član 3.

Odredbe ove Odluke, koje se odnose na gradsko građevinsko zemljište, primjenjuju se i na ostalo građevinsko zemljište u skladu sa Zakonom o građevinskom zemljištu F BiH.

II - DODJELA GRADSKOG GRAĐEVINSKOG ZEMLJIŠTA U DRŽAVNOM VLASNIŠTVU

Član 4.

Neizgrađeno gradsko građevinsko zemljište u državnom vlasništvu, Općinsko vijeće Breza, dodjeljuje pravnim i fizičkim licima na korištenje radi izgradnje trajnih građevina (u daljem tekstu: pravo korištenja radi građenja), u skladu sa regulacionim planovima.

Član 5.

Neizgrađeno gradsko građevinsko zemljište u državnom vlasništvu dodjeljuje se na korištenje radi građenja na osnovu javnog konkursa, a neposrednom pogodbom samo u

slučajevima propisanim Zakonom o građevinskom zemljištu FBiH (član 45. Zakona o građevinskom zemljištu FBiH).

Dodjela neizgrađenog gradskog građevinskog zemljišta u državnom vlasništvu na osnovu javnog konkursa

Član 6.

Na osnovu javnog konkursa neizgrađeno gradsko građevinsko zemljište dodjeljuje se fizičkim i pravnim licima u skladu sa odredbama Zakona i ove Odluke:

- fizičkim licima za izgradnju porodičnih stambenih zgrada,
- fizičkim i pravnim licima za izgradnju privrednih, poslovnih, stambeno-poslovnih, stambenih i drugih objekata u vlasništvu ili namijenjenih za tržište.

Član 7.

Javni konkurs raspisuje se na osnovu Odluke o raspisivanju javnog konkursa, koju donosi Općinsko vijeće.

Donošenju Odluke iz prethodnog stava prethodi definisanje zemljišta koje će biti predmet dodjele i uslova korištenja od strane Službe za prostorno uređenje, zaštitu okolice, geodetske i imovinsko-pravne poslove.

Javni konkurs objavljuje se u sredstvima javnog informisanja i mora ostati otvoren 15 dana od dana objavljivanja.

Član 8.

Javni konkurs raspisuje, objavljuje, sprovodi i utvrđuje red prvenstva Komisija za sprovođenje javnog konkursa za dodjelu neizgrađenog gradskog građevinskog zemljišta na korištenje radi građenja (u daljem tekstu: konkursna komisija).

Član 9.

Konkursnu komisiju imenuje Općinsko vijeće, a čini je predsjednik i četiri člana. Mandat konkursne komisije je 4 godine.

Član 10.

Administrativne, tehničke i stručne poslove za konkursnu komisiju obavlja općinski organ uprave nadležan za imovinsko-pravne poslove.

Član 11.

Ovlašćuje se Općinski načelnik da sačini Uputstvo kojim će se bliže regulisati tok provođenja konkursnog postupka, način rada Komisije i drugo.

Član 12.

Konkurs za dodjelu građevinskog zemljišta na korištenje radi građenja sadrži:

1. podatke o građevinskoj parceli i porodičnoj stambenoj zgradi ili poslovnom objektu čija je izgradnja predviđena na toj parceli,
2. podatke o obimu uređenja gradskog građevinskog zemljišta koje je dužan izvršiti investitor,
3. iznos naknade za dodijeljeno gradsko građevinsko zemljište na korištenje,
4. iznos naknade za uređenje gradskog građevinskog zemljišta,
5. rok za podnošenje prijave na konkurs,
6. način podnošenja prijave i naziv dokumenata koje je učesnik dužan priložiti uz prijavu,
7. uslove prvenstva na konkurs,
8. način obavještanja o rezultatima konkursa,
9. postupak po prigovorima na zaključak o rezultatima konkursa,
10. upozorenje da se neće razmatrati prijave koje ne sadrže podatke na osnovu kojih se utvrđuje red prvenstva,

11. upozorenje da se neće uzeti u razmatranje prijava uz koju nije priložen dokaz da podnosilac prijave ili član njegovog domaćinstva iz 1991. godine ne koristi imovinu za koju je podnesen zahtjev za povrat,
12. upozorenje da će se konkurs za tu lokaciju ponoviti ako učesnik konkursa čija je ponuda za tu lokaciju utvrđena kao najpovoljnija odustane od ponude, i da se uplaćeni iznos kaucije neće vratiti,
13. upozorenje da će se konkurs za tu lokaciju ponoviti ako učesnik konkursa kome je dodjeljeno neizgrađeno gradsko građevinsko zemljište ne plati naknadu za dodjeljeno zemljište na korištenje ili naknadu za uređenje gradskog građevinskog zemljišta, i da se uplaćeni iznos kaucije neće vratiti,
14. upozorenje da se neće uzeti u razmatranje prijava učesnika konkursa koji naknadu za dodijeljeno zemljište ponudi u visini početne naknade,
15. naziv i sjedište organa kome se prijava podnosi.

Podnošenje prijava na konkurs

Član 13.

Prijava se može podnijeti na jednu ili više određenih građevinskih parcela i podnosi se u zatvorenoj koverti sa naznakom "Ne otvaraj".

Član 14.

Uz prijavu na konkurs za dodjelu neizgrađenog gradskog građevinskog zemljišta radi građenja za potrebe više lica, obavezno se prilaže ugovor o zajedničkoj izgradnji na kojem su potpisi ugovarača propisno ovjereni od strane nadležnog organa.

Član 15.

Prilikom prijema prijava i ponuda na konkurs na njima se označava datum i tačno vrijeme prijema.

Postupak otvaranja prijava

Član 16.

Konkursna komisija prije otvaranja koverta utvrđuje blagovremenost podnesene prijave. Otvaranje prijava vrši se javno.

Nakon otvaranja koverta, konkursna komisija provjerava potpunost i ispravnost ponude.

Ako prijava ispunjava navedene formalne uslove, konkursna komisija na osnovu priloženih dokaza utvrđuje redoslijed prvenstva učesnika konkursa prema kriterijima predviđenim ovom Odlukom.

Prijava koja je dostavljena nakon isteka roka u kojem je konkurs otvoren, neće se ni razmatrati i vratit će se podnosiocu prijave.

Konkursna komisija neće ni uzeti u razmatranje prijavu za dodjelu neizgrađenog gradskog građevinskog zemljišta uz koju nije priložen dokaz da podnosilac prijave, odnosno član njegovog porodičnog domaćinstva iz 1991. godine ne koristi imovinu za koju je podnesen zahtjev za povrat shodno Zakonu o prestanku primjene Zakona o napuštenim stanovima Federacije BiH i Zakona o privremeno napuštenim nekretninama u svojini građana Federacije BiH.

Kao dokaz za utvrđivanje činjenica iz prethodnog stava prilažu se uvjerenja nadležnih općinskih službi.

Član 17.

Ne može se prihvatiti nijedna prijava na javni konkurs ukoliko ponuđeni iznos naknade za dodijeljeno zemljište nije veći od početne cijene navedene u javnom konkursu.

Član 18.

Navođenje lažnih podataka u prijavi je osnov za odbacivanje prijave, za oduzimanje dodijeljenog gradskog građevinskog zemljišta na korištenje radi građenja do izdavanja odobrenja za građenje.

Član 19.

Konkursna komisija dostavit će zaključak o rezultatima javnog konkursa svim učesnicima u roku od 8 dana po zaključenju javnog konkursa.

Učesnici javnog konkursa mogu u roku od 8 dana od dana dostavljanja zaključka o rezultatu javnog konkursa izjaviti prigovor Općinskom vijeću protiv tog zaključka.

Nakon isteka roka od 8 dana, konkursna komisija dostavlja obrazloženi prijedlog rješenja o dodjeli zemljišta na korištenje radi građenja i izvještaj o rezultatima javnog konkursa Općinskom vijeću, radi donošenja rješenja o dodjeli.

Prije dostavljanja Općinskom vijeću, konkursna komisija razmatra prigovore i daje obrazloženi prijedlog Općinskom vijeću.

Član 20.

Konkursna komisija koja sprovodi konkurs za dodjelu zemljišta na korištenje dužna je na zahtjev učesnika na konkursu predložiti dokumentaciju drugog učesnika za kojeg smatra da mu je gradsko građevinsko zemljište dodijeljeno protivno uslovima iz konkursa.

III - KRITERIJI ZA ODREĐIVANJE PRAVA PRVENSTVA
NA JAVNOM KONKURSU ZA DODJELU GRADSKOG
GRAĐEVINSKOG ZEMLJIŠTA U DRŽAVNOM VLASNIŠTVU
NA KORIŠTENJE RADI GRAĐENJA NA OSNOVU
JAVNOG KONKURSA

1. Kriteriji za određivanje prava prvenstva fizičkih lica za izgradnju porodične stambene zgrade

Član 21.

Red prvenstva na javnom konkursu za dodjelu neizgrađenog gradskog građevinskog zemljišta za izgradnju porodične stambene zgrade utvrđuje se prema broju bodova koji pojedinim učesnicima na konkursu pripadnu po mjerilima iz ove Odluke.

Broj bodova utvrđuje se na osnovu podataka iz prijave o stambenim prilikama, socijalnim prilikama, zdravstvenom stanju, stepenu invalidnosti, učešće u oružanim snagama Armije BiH, dobitnik najvišeg ratnog priznanja.

Član 22.

Članovima porodičnog domaćinstva, u smislu ove Odluke, smatraju se, pored podnosioca prijave i njegov bračni drug, djeca, usvojenici i druga lica koja je po zakonu dužan izdržavati, ako s njim stalno žive i stanuju, ako su kod njega prijavljeni sa prebivalištem i ako nemaju porodičnu stambenu zgradu ili stan u svojini, niti su nosioci stanarskog prava.

Član 23.

Prema mjerilima iz ovog člana boduju se fizička lica koja prvi put rješavaju stambeno pitanje.

Ne smatraju se licima koja prvi put rješavaju stambeno pitanje lica koja su otuđila stan ili kuću u vlasništvu.

Mjerila za utvrđivanje broja bodova koji pripadaju pojedinim podnosiocima prijave na konkurs su:

a) Stambene prilike

- za lice koje živi kao podstanar 20 bodova
- za lice koje živi kod roditelja 10 bodova

b) Socijalne prilike

1. Broj članova porodičnog domaćinstva

1 član	2 boda
2 člana	4 boda
3 člana	6 bodova
4 člana	8 bodova
5 i više članova porodičnog domaćinstva ..	10 bodova

2. Ukupna primanja po članu porodičnog domaćinstva:

- znos primanja od 100 KM ili manje po članu porodičnog domaćinstva	10 bodova
- iznos primanja od 100-150 KM po članu porodičnog domaćinstva	8 bodova
- iznos primanja od 150-200 KM po članu porodičnog domaćinstva	6 bodova
- iznos primanja od 200-250 KM po članu porodičnog domaćinstva	4 boda
- iznos primanja preko 250 KM po članu porodičnog domaćinstva	2 boda

c) Porodice poginulih

- pripadnost porodičnom domaćinstvu poginulog borca	40 bodova
- pripadnost porodičnom domaćinstvu poginule CŽR-a	30 bodova

d) Invalidnost

Podnosilac prijave ili član njegovog porodičnog domaćinstva koji je vojni ili civilni invalid boduje se:

- invalidi od 70 do 100%	35 bodova
- invalidi od 40 do 70%	25 bodova
- invalidi do 40%	10 bodova

Invalidi rada i druga invalidna lica koja ne spadaju u gore navedene kategorije invalida boduju se sa 10 bodova manje u odnosu na broj bodova koji pripadaju invalidnim licima iz prethodnog stava.

e) Učešće u oružanim snagamaArmije BiH, (Armija R BiH, HVO i MUP)

- za svaku godinu učešća u oružanim snagama Armije BiH po	5 bodova
- za svaku godinu rada po osnovu radne obaveze	3 boda

f) Dobitnik najvećeg ratnog priznanja

- Armije BiH, HVO i MUP-a	10 bodova
---------------------------------	-----------

Član 24.

Ako dvojici ili većem broju podnosioca prijava po mjerilima iz prethodnog člana pripadne isti broj bodova, pravo prvenstva na dodjelu gradskog građevinskog zemljišta ima onaj kojem je pripao veći broj bodova po osnovu stambenih prilika.

2. Kriteriji za određivanje prava prvenstva za izgradnju privrednih, poslovnih, stambeno-poslovnih, stambenih i drugih objekata u vlasništvu ili namijenjenih za tržište

Član 25.

Pravo prvenstva na konkursu za dodjelu gradskog građevinskog zemljišta radi izgradnje privrednih, poslovnih, stambeno-poslovnih, stambenih i drugih objekata u vlasništvu ili namijenjenih za tržište, imat će podnosilac prijave koji ponudi najveću naknadu za dodijeljeno gradsko građevinsko zemljište u odnosu na početnu naknadu naznačenu u javnom konkursu.

Početna naknada za dodijeljeno gradsko građevinsko zemljište obuhvata:

- a) naknada za zemljište,
- b) naknadu iz osnova prirodnih pogodnosti gradskog građevinskog zemljišta i pogodnosti već izgrađene komunalne infrastrukture koje mogu nastati prilikom korištenja tog zemljišta, a koje nisu rezultat ulaganja sredstava vlasnika ili korisnika nekretnine-renta.

Ako dva ili više kandidata ponude istu cijenu za zemljište pravo prvenstva će imati podnosilac prijave koji ponudi kraći rok izgradnje.

Ne može se prihvatiti nijedna prijava na javni konkurs ukoliko ponuđeni iznos naknade za dodijeljeno zemljište nije veći od početne cijene navedene u javnom konkursu.

IV NEPOSREDNA POGODBA

Član 26.

Neposrednom pogodbom neizgrađeno gradsko građevinsko zemljište dodjeljuje se na korištenje za izgradnju:

- vojnih objekata i objekata za službene potrebe državnih organa (nije moguća dodjela u cilju stambene izgradnje),
- objekata za potrebe stranih diplomatskih i konzularnih predstavnika,
- objekata komunalne infrastrukture.

Fizičkim osobama se ne može dodjeljivati gradsko građevinsko zemljište neposrednom pogodbom.

Izuzetno, od odredaba prethodnog stava fizičkim osobama se može dodjeljivati neposrednom pogodbom druga parcela u postupku naknade za ekspropisano i izuzeto zemljište u skladu sa zakonom”.

V –„GRAĐENJE BEZ PRAVA KORIŠTENJA ZEMLJIŠTA RADI GRAĐENJA NA GRADSKOM GRAĐEVINSKOM ZEMLJIŠTU“

Član 27

Na građevinskom zemljištu u državnoj svojini na kojem je izgrađena zgrada bez prava korištenja zemljišta radi građenja za koju se može naknadno izdati odobrenje za građenje po odredbama Zakona o prostornom uređenju, Općinsko vijeće će utvrditi pravo vlasništva u korist graditelja, odnosno njegovog pravnog sljednika, uz obavezu plaćanja naknade za dodijeljeno građevinsko zemljište na korištenje i za uređenje građevinskog zemljišta.

Naknada za dodijeljeno građevinsko zemljište iz prethodnog stava uvećava se za 100%“, a naknada se odnosi na rentu.

VI- NAKNADE ZA DODIJELJENO GRAĐEVINSKO ZEMLJIŠTE

Član 28.

Za gradsko građevinsko zemljište dodijeljeno na korištenje radi izgradnje trajnih građevina plaća se naknada za dodijeljeno gradsko građevinsko zemljište na korištenje i

naknada za troškove uređenja gradskog građevinskog zemljišta, prema osnovima i mjerilima na način i u rokovima propisanim odredbama ove Odluke.

Član 29.

Naknada za dodjeljeno gradsko građevinsko zemljište na korištenje obuhvata:

1. plaćenu naknadu ranijem vlasniku za preuzeto zemljište, čiji se iznos utvrđuje u skladu sa odredbama Zakona o eksproprijaciji,
2. naknadu iz osnova prirodnih pogodnosti gradskog građevinskog zemljišta i pogodnosti već izgrađene komunalne infrastrukture koje mogu nastati prilikom korištenja tog zemljišta, a koje nisu rezultat ulaganja sredstava vlasnika ili korisnika nekretnina - renta.

Visina naknade za dodjeljeno gradsko građevinsko zemljište na korištenje utvrđuje se rješenjem o dodjeli zemljišta na korištenje radi građenja.

Član 30.

Naknada iz osnova prirodnih pogodnosti - renta za dodijeljeno gradsko građevinsko zemljište na korištenje radi izgradnje trajnih građevina određuje se prema iskazanoj neto etažnoj korisnoj površini, izraženoj u m², utvrđenoj u rješenju o načelnoj urbanističkoj saglasnosti.

Konačna neto korisna površina objekta utvrđuje se u postupku izdavanja rješenja o urbanističkoj saglasnosti i odobrenja za građenje, a eventualna razlika rente će se obračunati po utvrđenoj cijeni.

Član 30 a.

Rentu su dužni platiti sva fizička i pravna lica kako na dodjeljenom državnom zemljištu, tako i na gradskom građevinskom zemljištu u privatnoj svojini, kao i raniji vlasnik koji je ostvario prvenstveno pravo korištenja zemljišta radi građenja.

Renta se neće plaćati za objekte koji će se graditi na ostalom građevinskom zemljištu, ako se radi o zemljištu u privatnoj svojini.

U slučaju dodjele državnog zemljišta koje spada u ostalo građevinsko zemljište, renta će se naplaćivati kao za VI zonu gradskog građevinskog zemljišta kao i naknadu za preuzeto građevinsko zemljište.

Član 30 b.

Pod korisnom površinom objekta smatra se zbir svih podnih površina prostora po svim etažama.

Kod obračunavanja rente, korisna površina se umanjuje, kako slijedi:

- za podrume 50 %
- za potkrovlja 25 %
- za natkrivene otvorene
površine i pomoćne objekte ... 50%
- za otvorene platee 75%”

Član 31.

Građevinsko zemljište prema pogodnostima iz člana 29. stav 1. tačka 2. dijeli se šest zona.

Zone se utvrđuju na osnovu položaja zemljišta, stepena opremljenosti zemljišta, komunalnim objektima i instalacijama, saobraćajne povezanosti, vrste kapaciteta objekata za svakodnevno i periodično snabdijevanje, stepena pokrivenosti objektima za zdravstvenu zaštitu, školstvo, kulturu i dječiju zaštitu, prirodnih ekoloških uslova, korištenja zemljišta, kao što su naročito nagib terena, orijentacija, osunčanost, temperatura zraka, vjetrovi i zagađenost vazduha i to:

I - ZONA

- obuhvata uže urbano područje grada i to naselje Breza i Bate.

II - ZONA

- obuhvata urbana područja i to naselja:
Banjevac, Mahala, Bulbulušići, Založje i Novo Naselje Smailbegovići

III - ZONA

- obuhvata urbano područje Potkraj i to naselja:
Smailbegovići, Potkraj i Kahve

IV - ZONA

- obuhvata Župču i industrijski krug Kamenice

V - ZONA

- obuhvata naselja:
Podžupča, Vrbovik i Gornja Breza

VI – ZONA

- obuhvata Hrasno.

Član 32.

Granice naselja su opisane u članu 8. Odluke o provođenju Prostornog plana općine Breza ("Službeni glasnik općine Breza", broj 8/03)".

Član 33.

Kao osnovica za izračunavanje visine rente služi prosječna konačna građevinska cijena iz prethodne godine 1/m² korisne stambene površine na području općine.

Prosječnu konačnu cijenu utvrđuje Odlukom Općinsko vijeće svake godine, a najkasnije do 31.marta za tekuću godinu.

Član 34.

Visina rente po 1 m² korisne površine utvrđuje se primjenom fiksnog procenta rente koji je propisan Zakonom o građevinskom zemljištu FBiH i renta po zonama iznosi, kako slijedi:

- u I zoni	6%	- u IV zoni	3%
- u II zoni.....	5%	- u V zoni	2%
- u III zoni.....	4%	- u VI zoni	1%"

Visinu rente za gradsko građevinsko zemljište u državnoj svojini kod dogradnje, nadziđivanja i kod izgradnje pomoćnih objekata utvrđuje se rješenjem o odobrenju za građenje.

VII- UREĐENJE GRADSKOG GRAĐEVINSKOG ZEMLJIŠTA

Član 35.

Pod uređenim gradskim građevinskim zemljištem podrazumjeva se zemljište na kome su izvršeni radovi, pripreme zemljišta za građenje i opremanje zemljišta u skladu sa zakonom.

Smatra se da je uređeno gradsko građevinsko zemljište, ako ispunjava minimum uređenja gradskog građevinskog zemljišta i to:

- snabdjevanje vodom i rješenje otpadnih voda,

- kolski prilaz građevinskoj parceli,
- snabdjevanje električnom energijom.

Član 36.

Pripremanje gradskog građevinskog zemljišta, obuhvata:

- uređenje imovinsko-pravnih odnosa,
- geološka, geomehanička i mikroseizmološka ispitivanja, ispitivanja potrebna za obezbjeđenje izgrađenih građevina od elementarnih i drugih nepogoda i ratnog dejstva, pripremanje geodetskih planova i elaborata i prostornih izvedbenih planova, parcelaciju zemljišta, utvrđivanje granica građevinskih parcela i slične radove,
- uklanjanje postojećih objekata i uređenja nasada plodne zemlje i odvoz materijala,
- poravnavanje, nasipanje i isušivanje zemljišta, osiguranje klizišta, ispitivanje zemljišta radi pronalazaženja i uklanjanja eksplozivnih sredstava iz rata i slični radovi,
- arheološka ispitivanja, ako je na zemljištu arheološko nalazište.

Član 37.

Opremanje gradskog građevinskog zemljišta obuhvata:

1. Izgradnju komunalnih građevina i instalacija za zajedničko korištenje, kao što je: izgradnja i rekonstrukcija puteva, ulica, pristupnih puteva, trgova, pothodnika, prelaza, javnih parkirališta u naselju, javne rasvjete, zelenih površina u naselju i drugih komunalnih građevina i instalacija za zajedničko korištenje.
2. Izgradnju komunalnih građevina i instalacija za pojedinačno korištenje, kao što je izgradnja i rekonstrukcija uređaja i mreže za snabdjevanje naselja vodom, električnom i toplotnom energijom, ptt saobraćajem, za odvođenje oborinskih i otpadnih voda, prijevoz putnika u lokalnom saobraćaju, održavanje javne gradske čistoće, i drugih komunalnih građevina i instalacija za pojedinačno korištenje.

Član 38.

Investitor koji namjerava graditi na gradskom građevinskom zemljištu dužan je platiti naknadu za uređenje gradskog građevinskog zemljišta koja obuhvata stvarne troškove pripremanja i opremanja tog zemljišta, koja se utvrđuje rješenjem o urbanističkoj saglasnosti.

Ako je dodijeljeno gradsko građevinsko zemljište koje nije uređeno, korisnik tog zemljišta dužan je da izvrši uređenje na cijeloj površini zemljišta saglasno uslovima iz urbanističke saglasnosti i u tom slučaju nije dužan da plati naknadu za uređenje gradskog građevinskog zemljišta.

Naknadu iz stava 1. ovog člana, prema osnovima i mjerilima iz ove Odluke, dužan je da plati investitor koji namjerava da grdi na ostalom građevinskom zemljištu na kome postoji pravo svojine.

Naknada iz stava 1. ovog člana plaća se i za dogradnju, nadziđivanje, preuređenje krovišta i podkrovlja, rekonstrukciju kojom se povećava korisna površina (za povećanu površinu) i izgradnju nove na mjestu uklonjene građevine.

Član 39.

Naknada za uređenje gradskog građevinskog zemljišta određuje se na osnovu broja jedinica mjere korisne površine građevina na određenom području i ukupnih stvarnih troškova uređenja tog područja do momenta donošenja rješenja o urbanističkoj saglasnosti, bez obzira kada su izvršeni poslovi uređenja do zatečenog obima.

Član 40.

Kada se uređenje gradskog građevinskog zemljišta vrši prema donesenom programu uređenja gradskog građevinskog zemljišta, iznos naknade za uređenje se utvrđuje saglasno

programu, a prema jedinici korisne površine objekta za čiju se izgradnju izdaje urbanistička saglasnost.

Član 41.

Korisna površina građevine određuje se prema predviđenoj neto etažnoj korisnoj površini građevine obračunatoj po građevinskim standardima.

Član 42.

Ukoliko nije donesen program uređenja gradskog građevinskog zemljišta, visina naknade za uređenje gradskog građevinskog zemljišta po jedinici mjere će se obračunavati po jedinici korisne površine objekta za čiju izgradnju se izdaje urbanistička saglasnost i određuje se tako što se kao polazna osnova uzima prosječna cijena m² izgrađenog prostora na osnovu Odluke Općinskog vijeća o visini prosječne konačne građevinske cijene m² korisne stambene površine po zonama, kako slijedi:

I - ZONA

- za poslovne objekte 2,5 %
- za stambene objekte 2,3%
- za proizvodne objekte 2,2%

II - ZONA

- za poslovne objekte 2,3%
- za stambene objekte 2,0%
- za proizvodne objekte 1,5%

III - ZONA

- za poslovne objekte 1,8%
- za stambene objekte 1,5%
- za proizvodne objekte 1,0%

IV - ZONA

- za poslovne objekte 1,3%
- za stambene objekte 1,0%
- za proizvodne objekte 0,5%

V - ZONA

- za poslovne objekte 0,9%
- za stambene objekte 0,7%
- za proizvodne objekte 0,25%

VI - ZONA

- za poslovne objekte 0,5%
- za stambene objekte 0,3%
- za proizvodne objekte 0,1%

Član 43.

Ukoliko nije donesen program uređenja gradskog građevinskog zemljišta naknada za uređenje gradskog građevinskog zemljišta za proizvodne, pomoćne i poljoprivredne objekte utvrđuje se u iznosu od 50% naknade za stambene objekte iz člana 42. u zavisnosti od zone u kojoj se objekat gradi.

Ukoliko je u slučaju iz prethodnog stava korisna površina proizvodnog, pomoćnog ili poljoprivrednog objekta veća od 500 m², naknada iz prethodnog stava utvrđuje se u iznosu od 30% naknade za stambene objekte iz člana 42. u zavisnosti od zone u kojoj se objekat gradi.

Član 44.

Odredbe ove Odluke o načinu utvrđivanja korisne površine za određivanje naknade za dodjelu gradskog građevinskog zemljišta na korištenje i rokovima i načinu plaćanja, te naknade (član 30.), analogno se primjenjuju i pri utvrđivanju korisne površine za određivanje naknade za uređenje gradskog građevinskog zemljišta u rješenju o urbanističkoj saglasnosti.

Za umanjenje obračunavanja naknade za uređenje gradskog građevinskog zemljišta (dijelovi stambenog objekta: podrum i potkrovlje), primjenjuje se isti procenat kao procenat kod obračunavanja rente detaljno opisane u članu 30b. ove Odluke.

Član 44 a.

Kod izgradnje proizvodnih objekata sa investitorom se može zaključiti ugovor o načinu i uslovima plaćanja naknada utvrđenih odredbama ove Odluke.

Kod izgradnje stambeno-poslovnih i poslovnih objekata sa investitorom se može zaključiti ugovor o načinu i uslovima plaćanja naknada utvrđenih odredbama ove Odluke, ako je iznos naknada veći od 50.000,00 KM, s tim da plaćanje naknada mora biti izvršeno najkasnije do izdavanja upotrebne dozvole.

Investitor je dužan dati odgovarajuća sredstva obezbjeđenja za izvršenje ugovora (finansijska, stvarno-pravna - lična).

Stupanjem na snagu ugovora iz stava 1. i 2. ovog člana i davanjem odgovarajućeg sredstva obezbjeđenja izvršenja obaveze investitora, stiču se uslovi da se investitoru izda rješenje o dozvoli gradnje.

Član 44 b.

Kod izgradnje objekata u obuhvatu ostalog građevinskog zemljišta, plaća se naknada za uređenje građevinskog zemljišta u iznosu od 0,2% od prosječne građevinske cijene 1 m² stambenog prostora iz prethodne godine po 1 m² korisne stambene površine na području Općine Breza, dok se renta u ovim slučajevima ne naplaćuje.

VIII - NAKNADA ZA KORIŠTENJE GRADSKOG
GRAĐEVINSKOG ZEMLJIŠTA

Član 45.

Za korištenje gradskog građevinskog zemljišta plaća se naknada.

Naknada iz prethodnog stava plaća se prema mjerilima iz odredbe ove Odluke i za korištenje izgrađenog građevinskog zemljišta na kome postoji pravo svojine, ako je vlasniku građevine na tom zemljištu obezbijeđena mogućnost snabdijevanja vodom prema mjesnim prilikama, priključak na električnu mrežu i prilaz građevini.

Član 46.

Obaveza plaćanja naknade za korištenje gradskog građevinskog zemljišta nastaje od prvog dana narednog mjeseca nakon početka faktičkog korištenja prostora za koji se plaća, ali ne kasnije od prvog dana narednog mjeseca u kojem je izdato odobrenje za upotrebu građevine, odnosno u kome ističe rok za završetak izgradnje građevine, ako je taj rok utvrđen rješenjem u odobrenju građenja.

Kao dan nastanka obaveze plaćanja naknade za korištenje gradskog građevinskog zemljišta iz prethodnog stava smatra se onaj koji se prije ostvari.

Organ uprave nadležan za odobravanje građenja koji je rješenjem odredio rok završetka građevine i organ uprave nadležan za odobravanje upotrebe građevine dužni su jedan primjerak svog rješenja dostaviti nadležnom organu uprave za utvrđivanje obaveze plaćanja naknade za korištenje gradskog građevinskog zemljišta.

Član 47.

Obaveza plaćanja naknade za korištenje gradskog građevinskog zemljišta prestaje danom prestanka postojanja građevine za koju se plaća.

Naknada za korištenje gradskog građevinskog zemljišta ne naplaćuje se na ostalom

građevinskom zemljištu „izuzev za zemljište na kome su izgrađeni poslovni objekti“.

Svi poslovni objekti koji su izgrađeni na ostalom građevinskom zemljištu plaćaju naknadu za korištenje građevinskog zemljišta u iznosu od 0,120 KM po 1 m² (kao za IV poslovnu zonu)“.

Član 48.

Korisna površina izgrađenog stambenog, garažnog i sličnog prostora, prooizvodnog i poslovnog prostora je neto etažna tlocrtna površina svih zatvorenih prostora.

Pod korisnom površinom na koju se plaća naknada za korištenje gradskog građevinskog zemljišta smatra se, u smislu ove Odluke, i svako građevinsko zemljište u državnoj stvojini koje je funkcionalno povezano s prostorom iz prethodnog stava i služi isključivo njegovom korisniku (građenja dvorišta, bašte, ekonomska dvorišta, nepokrivena skladišta, manipulativni prostor i sl).

Ako je više korisnika građevinskog zemljišta u državnoj svojini, a ne može se utvrditi koji dio tog zemljišta koristi pojedini korisnik, pripadajući dio svakog korisnika određuje se srazmjerno korisnoj površini izgrađenog prostora koji koristi.

Ako se korisna površina, zbog specifičnosti funkcije ili načina izgradnje građevine, ne može odrediti na način iz stava 1. i 2. ovog člana, korisna površina će se odrediti prema površini gradskog građevinskog zemljišta koje je određenom korisniku dodijeljeno na korištenje.

Član 49.

Naknada za korištenje gradskog građevinskog zemljišta određuje se po broju jedinica mjere (m²) korisne površine stambenog, garažnog, poslovnog i sličnog prostora, koji pripada određenom korisniku.

Član 50.

Visina naknade za korištenje gradskog građevinskog zemljišta po jedinici mjere određuje se u zavisnosti od toga da li se prostor koristi za stanovanje, proizvodnju ili drugu djelatnost i prema pripadnosti prostora određenim zonama građevinskog zemljišta obrazovanim na osnovu podataka o prirodnim i radom stvorenim pogodnostima u korištenju tog zemljišta.

Član 51.

Naknada za korištenje gradskog građevinskog zemljišta plaća se mjesečno, najkasnije do kraja mjeseca za tekući mjesec.

Izuzetno od odredbe prethodnog stava, rješenjem nadležnog općinskog organa uprave može se odrediti da pojedini korisnici plaćaju naknadu tromjesečno, ako se time može postići veća efikasnost naplate naknade, ili ako bi troškovi mjesečne naplate naknade bili približni iznosu naknade koju treba da plate.

Član 52.

Visina naknade za korištenje gradskog građevinskog zemljišta po jedinici mjere korisne površine prostora za jedan mjesec izražava se brojem bodova koji pripadaju određenoj vrsti prostora, u zavisnosti od pripadnosti tog prostora određenoj zoni.

Visina naknade iz prethodnog stava izračunava se množenjem pripadajućeg broja bodova s vrijednošću bodova.

Vrijednost boda se utvrđuje prema jedinici površine zemljišta, odnosno, prema jedinici izgradjene korisne površine u iznosu od 0,01% od prosječne konačne građevinske cijene iz prethodne godine 1 m² korisne stambene površine na području općine.

Visina naknade za korištenje gradskog građevinskog zemljišta po jednom obvezniku izračunava se množenjem broja jedinica mjere korisne površine prostora sa pripadajućim brojem bodova po jedinici mjere korisne površine i vrijednošću boda.

Usklađivanje vrijednosti boda za stambeni, proizvodni i poslovni prostor vrši se tromjesečno, u skladu sa indeksom rasta cijena građevinskih radova u visokogradnji.

Član 53.

Visina naknade za korištenje gradskog građevinskog zemljišta po 1/m² korisne površine, za jedan mjesec iznosi:

1. STAMBENI, GARAŽNI I SLIČAN PROSTOR

I - zona.....	0,036 KM/m ²
II - zona	0,03 "
III - zona	0,024 "
IV - zona	0,018 "
V - zona	0,012 "
VI - zona	0,006 "

2. PROIZVODNI PROSTOR

I - zona.....	0,168 KM/m ²
II - zona	0,144 "
III - zona	0,120 "
IV - zona	0,096 "
V - zona	0,072 "
VI - zona	0,06 "

3. POSLOVNI PROSTOR

I - zona.....	0,348 KM/m ²
II - zona	0,240 "
III - zona	0,144 "
IV - zona	0,120 "
V - zona	0,096 "
VI - zona	0,072 "

4. Visina naknade za korištenje gradskog građevinskog i ostalog zemljišta za nadzemne i podzemne dalekovode, NN mreže, telekomunikacione i kablovske mreže utvrđuje se u iznosu od 0,03 KM po metru dužnom (m l).

Član 53 a.

Visina naknade za korištenje građevinskog zemljišta za vikend objeke, određuje se u dvostrukom iznosu utvrđene naknade za stambeni prostor I zone, a ista se plaća i za navedene objekte koji su locirani i na ostalom građevinskom zemljištu.

Član 54.

Službenu evidenciju obveznika naknade za korištenje gradskog građevinskog zemljišta uspostaviti će općinski organ uprave nadležan za komunalne poslove i sadrži najmanje slijedeće, podatke:

- opći podaci o obvezniku naknade,
- broj katastarske čestice i površinu,
- ukupna površina objekta (stambenog, poslovnog ili proizvodnog i
- iznos naknade za plaćanje.

IX - NAČIN VOĐENJA, RASPOREĐIVANJA I USMJERAVANJA
SREDSTAVA NAKNADA IZ OVE ODLUKE

Član 55.

Sredstva naknada iz ove Odluke (naknade za dodijeljeno gradsko građevinsko zemljište na korištenje, naknade za uređenje gradskog građevinskog zemljišta i naknade za korištenje gradskog građevinskog zemljišta) vode se odvojeno po vrstama naknada na posebnom računu općine i koriste se za troškove naknade ranijim vlasnicima, za troškove uređenja zemljišta i troškove izrade prostorno-planske dokumentacije.

X - PRELAZNE I ZAVRŠNE ODREDBE

Član 56.

Postupci koji su pokrenuti po zahtjevu za dodjelu građevinskog zemljišta u državnom vlasništvu radi građenja, prije stupanja na snagu ove Odluke bit će okončan u skladu s odredbama Zakona o građevinskom zemljištu ("Službeni list SRBiH", broj 34/86, 1/90 i 29/90), i ("Službeni list R BiH", broj 3/93 i 13/94) i Odluke o građevinskom zemljištu - Prečišćeni tekst ("Službeni glasnik općine Breza", broj 3/02, 5/02, 6/02 i 7/02), ukoliko je prvostepeno rješenje o dodjeli zemljišta doneseno prije stupanja na snagu zakona i ove Odluke.

Ukoliko se prvostepeno rješenje o dodjeli neizgrađenog gradskog građevinskog zemljišta iz prethodnog stava poništi u upravnom sporu, novi postupak će biti pokrenut u skladu sa odredbama Zakona i ove Odluke.

Član 57.

Zakupodavni odnosi koji su nastali izgradnjom privremenih objekata na državnom zemljištu, do stupanja na snagu Zakona o građevinskom zemljištu FBiH i ove Odluke, uredit će se naknadno posebnom odlukom Općinskog vijeća.

Član 58.

Stupanjem na snagu ove Odluke, prestaje da važi Odluka o građevinskom zemljištu ("Službeni glasnik Općine Breza", broj 3/04), Odluka o dopuni odluke o građevinskom zemljištu ("Službeni glasnik Općine Breza", broj 6/05), Odluka o izmjenama i dopunama Odluke o građevinskom zemljištu ("Službeni glasnik Općine Breza", broj 9/06), Odluka o izmjeni odluke o građevinskom zemljištu ("Službeni glasnik Općine Breza", broj 5/07), Odluka o dopunama odluke o građevinskom zemljištu ("Službeni glasnik Općine Breza", broj 9/07) i Odluka o izmjeni odluke o građevinskom zemljištu ("Službeni glasnik Općine Breza", broj 6/10)

Prečišćeni tekst ove Odluke obuhvata Odluku o građevinskom zemljištu ("Službeni glasnik Općine Breza", broj 3/04), Odluku o dopuni odluke o građevinskom zemljištu ("Službeni glasnik Općine Breza", broj 6/05), Odluku o izmjenama i dopunama Odluke o građevinskom zemljištu ("Službeni glasnik Općine Breza", broj 9/06), Odluku o izmjeni odluke o građevinskom zemljištu ("Službeni glasnik Općine Breza", broj 5/07), Odluku o dopunama odluke o građevinskom zemljištu ("Službeni glasnik Općine Breza", broj 9/07) i Odluku o izmjeni odluke o građevinskom zemljištu ("Službeni glasnik Općine Breza", broj 6/10)

Član 59.

Ova Odluka stupa na snagu narednog dana od dana objavljivanja u ("Službenom glasniku općine Breza").

Broj:01/1-02-2930/14
Breza, 18.12.2014.godine

PREDSJEDNIK KOMISIJE
ZA STATUT I PROPISE
Mamela-Herc Mersiha

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 27. tačka 13. i člana 49. Statuta Općine Breza („ Službeni glasnik Općine Breza“, broj 1/99, 4/99 i 7/99) i člana 126. Poslovnika o radu Općinskog vijeća („Službeni glasnik Općine Breza broj 3/11- prečišćeni tekst) ,Komisija za Statut i propise Općinskog vijeća Breza, na sjednici održanoj 18.12.2014. godine, utvrđuje:

O D L U K U
o javnim priznanjima Općine Breza
(Prečišćeni tekst)

I - OPĆE ODREDBE**Član 1.**

Ovom Odlukom utvrđuju se javna priznanja Općine Breze, kriteriji, postupak i način dodjeljivanja javnih priznanja.

Član 2.

Javna priznanja Općine Breze su: "Grb Breze, "Plaketa Breze" i "Nagrada Breze". Redoslijed priznanja iz stava 1. predstavlja visinu njihovog ranga.

Član 3.

Javna priznanja Općine Breze dodjeljuju se preduzećima, ustanovama, drugim pravnim licima i građanima za izuzetna dostignuća i uspjehe u oblastima:

- učešće u odbrani, obnovi i izgradnji države,
- razvoja i unapređenja demokracije i zaštite ljudskih prava,
- kulturnog stvaralaštva, njegovanja tradicije Bosne i Hercegovine,
- nauke, obrazovanja, umjetnosti i sporta,
- afirmaciji Breze.

Član 4.

Javna priznanja Općine Breze dodjeljuju se povodom Dana Općine Breza. Odluku o dodjeli javnih priznanja donosi Općinsko vijeće Breza.

II - JAVNA PRIZNANJA BREZE**a) "Grb Breze"****Član 5.**

"Grb Breze" najviše javno priznanje.

"Grb Breze" dodjeljuje se preduzećima, ustanovama, drugim pravnim licima i građanima za izuzetna dostignuća i vanredne uspjehe u oblasti odbrane, obnove i izgradnje Bosne i Hercegovine, razvoja i unapređenja demokratije i zaštite ljudskih prava te afirmaciji Breze.

"Grb Breze" dodjeljuje se u pravilu svake 4 (četvrte) godine.

Član 6.

"Grb Breze" je stilizovana izvedba grba grada Breze izrađena od srebra.

Uz "Grb Breze" dodjeljuje se i diploma.

Grb Breze izgrađen je u dimenzijama: 8 cm x 8,5 cm debljine 5 mm.

Grb Breze dodjeljuje se u kutiji 12 cm X 15 cm debljine 3 cm

Kutija je presvučena crnim plišanom platnom. Na prednjoj strani kutije ispisan je tekst sljedećeg sadržaja.

Bosna i Hercegovina
Federacija Bosne i Hercegovine
Zeničko-dobojski kanton
Općina Breza
Općinsko vijeće

Na unutrašnjoj strani poklopca kutije ispisan je tekst sljedećeg sadržaja

Šestoaprilsko priznanje Dana općine Breza
Grb Breza

sa nazivom institucije ili pojedinca kome je dodjeljena nagrada.
Sa datumom dodjele.

U ležištu kutije smješten je Grb Breze utvrđen u stavu 3. ovog člana.

Za sprovođenje postupka izrade Grba Općine Breza zadužuje se stručna služba Općinskog vijeća i Općinskog načelnika.

b) "Plaketa Breze"

Član 7.

"Plaketa Breze" dodjeljuje se preduzećima, ustanovama i drugim pravnim licima i građanima za izuzetna dostignuća i vanredne uspjehe u oblastima iz člana 3. ove Odluke.

Član 8.

"Plaketa Breze" se dodjeljuje u vidu diplome uz grb grada Breze u bronzanoj izvedbi, uz novčani iznos čiju visnu utvrđuje Komisija za odlikovanja i općinska priznanja svake godine.

"Plaketa Breze" dodjeljuje se svake druge godine.

c) "Nagrada Breze"

Član 9.

"Nagrada Breze" dodjeljuje se preduzećima, ustanovama i drugim pravnim licima i građanima za izuzetna dostignuća i vanredne uspjehe u oblastima iz člana 3. ove Odluke.
"Nagrada Breze" dodjeljuje se svake godine.

Član 10.

"Nagrada Breze" dodjeljuje se u vidu diplome uz novčani iznos čiju visinu utvrđuje Komisija za odlikovanja i općinska priznanja.

Član 11.

Izuzetno ova priznanja mogu se dodijeliti i pojedincima koji ne žive na području Općine Breza ako su njihova ostvarenja vezana za Općinu Breza.

Član 12.

Javna priznanja se mogu izuzetno dodijeliti pojedincima i posmrtno.

Član 13.

Javna priznanja se mogu izuzetno dodijeliti i stranim državljanima i stranim organizacijama.

III - POSTUPAK DODJELE JAVNIH PRIZNANJA

a) Komisija za odlikovanja i općinska priznanja
- sastav i nadležnosti-

Član 14.

Postupak dodjele javnih priznanja pokreće i vodi Općinsko vijeće putem Komisije za odlikovanja i općinska priznanja.

Član 15.

Komisija za odlikovanja i općinska priznanja ima predsjednika i četiri člana.

Član 16.

Rad Komisije za odlikovanja i općinska priznanja je javan.

Član 17.

Komisija za odlikovanja i općinska priznanja vrši sljedeće poslove:

- donosi Poslovnik o svom radu,
- obavještava javnost o načinu predlaganja i rok podnošenja prijave,
- utvrđuje prijedlog za dodjelu javnih priznanja,
- utvrđuje prijedlog oblika izvedbe javnih priznanja Breze i predlaže vijeću na usvajanje,
- podnosi Općinskom vijeću izvještaj o svom radu,

Član 18.

Poslovníkom o radu Komisije za odlikovanja i općinska priznanja reguliše se organizacija i način rada ovog tijela.

b) Postupak

Član 19.

Komisija za odlikovanja i općinska priznanja obavještava javnost o pokretanju postupka predlaganja kandidata za dodjelu javnih priznanja Breze i o glasilu putem koga će se objaviti.

Član 20.

Prijedlozi se podnose Komisiji za odlikovanja i općinska priznanja u roku kako odredi komisija.

Član 21.

Pravo predlaganja kandidata za dodjelu javnih priznanja imaju preduzeća, ustanove, druga pravna lica, mjesne zajednice, političke stranke, kulturne i vjerske organizacije, registrovana udruženja građana.

Član 22.

Administrativno-stručne i druge poslove za potrebe Komisije za odlikovanja i općinska priznanja vrši Stručna služba Općinskog vijeća.

Član 23.

Stupanjem na snagu prečišćenog teksta Odluke o javnim priznanjima Općine Breza prestaje da važi Odluka o javnim priznanjima Općine Breza („Službeni glasnik Općine Breza“, broj 4/01), Odluka o izmjeni i dopuni Odluke o javnim priznanjima Općine Breza („Službeni glasnik Općine Breza“, broj 2/07), Odluka o dopuni Odluke o javnim priznanjima Općine Breza („Službeni glasnik Općine Breza“, broj 3/07)

Prečišćeni tekst ove Odluke obuhvata Odluku o javnim priznanjima Općine Breza („Službeni glasnik Općine Breza“, broj 4/01), Odluka o izmjeni i dopuni Odluke o javnim priznanjima Općine Breza („Službeni glasnik Općine Breza“, broj 2/07), Odluka o dopuni Odluke o javnim priznanjima Općine Breza („Službeni glasnik Općine Breza“, broj 3/07)

Član 24.

Ova Odluka stupa na snagu danom objavljivanja u "Službenom glasniku Općine Breza".

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. tačka c Zakona o pripadnosti javnih prihoda u Federaciji BiH ("Službene novine FBiH", broj 22/06), člana 36. i 37. Zakona o principima lokalne samouprave u Federaciji Bosne i Hercegovine ("Službene novine FBiH", broj 49/06), člana 49. stav 1. Statuta Općine Breza ("Službeni glasnik Općine Breza", broj 1/99, 4/99 i 7/99), i člana 126. Poslovnika o radu Općinskog vijeća („Službeni glasnik Općine Breza broj 3/11-prečišćeni tekst) ,Komisija za Statut i propise Općinskog vijeća Breza, na sjednici održanoj 18.12.2014, utvrđuje:

O D L U K U **o komunalnim taksama** **(prečišćeni tekst)**

Član 1.

Ovom odlukom propisuju se komunalne takse na području Općine Breza za:

- zauzimanje trotoara ispred poslovnih prostorija i drugih površina,
- držanje sredstava za igru (bilijar, karte za igru, automati, fliperi, video igre, aparata za posebne igre na sreću i sl.),
- istaknutu firmu,
- privremeni boravak u hotelima, motelima, prenočištima i kućnoj radinosti (privremeni boravak),
- držanje muzike u ugostiteljskim objektima,
- isticanje objava, oglasa, saopštenja na javnim mjestima,
- držanje vitrina radi izlaganja roba van poslovne prostorije,
- korištenje prostora za parkiranje motornih vozila i prikolica na označenim parkiralištima i drugim označenim mjestima.

Član 2.

Takseni obveznik je lice koje koristi predmet ili usluge za čije korištenje je propisano plaćanje takse.

Član 3.

Taksena obaveza nastaje u trenutku kada se počinje koristiti predmet ili usluga za čije korištenje je propisano plaćanje komunalne takse.

Član 4.

Općinski organi uprave nadležni za izdavanje odobrenja odnosno korištenja predmeta na koje se plaćaju komunalne takse dužni su u roku od 8 dana od dana izdatog odobrenja obavijestiti Poreznu upravu - Područni ured Breza.

Član 5.

Od plaćanja takse oslobođeni su:

- Bosna i Hercegovina,
- Federacija Bosne i Hercegovine,
- općinski organi,
- ustanove iz oblasti predškolskog, osnovnog i srednjeg obrazovanja, nauke kulture i prirodne baštine, sporta, zdravstva (osim privatne zdravstvene prakse), veterinarstva (osim privatne veterinarske prakse), socijalne zaštite, humanitarne i dobrotvorne organizacije iz osnovne djelatnosti,
- udruženja koja ne obavljaju privrednu djelatnost,
- invalidna lica sa tjelesnim oštećenjem od najmanje 70% uz nalaz i mišljenje

nadležne ovlaštene komisije nadležnog ministarstva, a koji obavljaju djelatnost bez upošljavanja tuđe radne snage.

Član 6.

Prijava za razrez komunalne takse podnosi se do 30.januara tekuće godine prema stanju na dan 01.januara tekuće godine, za koju se vrši razrez.

Prijava za razrez komunalne takse podnosi se na obrazcu utvrđenom od strane Porezne uprave.

Promjene nastale poslije 01.januara tekuće godine, odnosno u toku godine, takseni obveznik je dužan prijaviti Poreznoj upravi - Područni ured Breza najkasnije u roku od 15 dana od dana nastanka promjene.

Član 7.

Taksenim obveznicima koji ne podnesu prijavu u skladu sa članom 6. stav 1. ili daju netačne podatke razrez takse izvršit će se po taksenoj tarifi uvećanoj za 50%.

Član 8.

Obveznik takse iz člana 1. tačka 5. ove Odluke dužan je najkasnije 3 dana prije početka organizovanja žive muzike prijaviti Poreznoj upravi – Područnom uredu Breza dan početka i dan završetka organizovanja žive muzike.

Član 9.

Tarifa komunalnih taksa je sastavni dio ove Odluke.

Član 10.

Stupanjem na snagu ove odluke prestaje da važi Odluka o komunalnim taksama ("Službeni glasnik Općine Breza", broj 09/06), Odluka o dopuni Odluke o komunalnim taksama ("Službeni glasnik Općine Breza", broj 10/09) i Odluka o izmjeni i dopuni Odluke o komunalnim taksama ("Službeni glasnik Općine Breza", broj 2/13).

Prečišćeni tekst ove Odluke obuhvata Odluku o komunalnim taksama ("Službeni glasnik Općine Breza", broj 09/06), Odluku o dopuni Odluke o komunalnim taksama ("Službeni glasnik Općine Breza", broj 10/09) i Odluku o izmjeni i dopuni Odluke o komunalnim taksama ("Službeni glasnik Općine Breza", broj 2/13).

Član 11.

Ova odluka stupa na snagu danom objavljivanja u Službenom glasniku Općine Breza.

Broj:01/1-02-2930/14
Breza,18.12.2014. godine

PREDSJEDNIK KOMISIJE
ZA STATUT I PROPISE
Mamela-Herc Mersiha,s.r.

**TARIFA KOMUNALNIH TAKSI****TARIFNI BROJ 1.**

Za zauzimanje trotoara, javnih slobodnih površina plaća se dnevno:

- Za postavljanje stolova ispred ugostiteljskih objekata, poslastičarnica i drugih objekata u svrhu pružanja ugostiteljskih usluga plaća se po jednom stolu dnevno 1 KM.
- Za svaki postavljeni sto, pult, tezgu i dr. za prodaju knjiga, razglednica, bižuterije i drugih proizvoda plaća se: za 1 dan 10 KM, od 2-7 dana 5 KM dnevno, preko 7 dana 2 KM dnevno.
- Za zauzimanje slobodnih površina za postavljanje zabavnih radnji (cirkus, luna-park i sl.) plaća se 2 KM dnevno po m².

NAPOMENA:

- Prijave za razrez takse iz ovog tarifnog broja podnose se nadležnoj Poreznoj upravi – Područni ured Breza najkasnije jedan dan prije zauzimanja površina.

TARIFNI BROJ 2.

Za držanje sredstava za igru (bilijar, karte za igru, fliperi, automati, video igre i aparati za posebne igre na sreću) plaća se godišnje po jednom komadu, aparatu odnosno predmetu200 KM.

NAPOMENA:

- Plaćanju takse po ovom tarifnom broju podliježu samo vlasnici ili korisnici koji imaju odobrenje nadležnog federalnog organa.
- Pod aparatima koji donose novac podrazumijevaju se elektronski ili mehanički aparati koji tokom igre omogućavaju igraču dobitak u novcu ili žetonima koji su naplativi u novcu.
- Ako se sredstva za igru počnu koristiti u drugom polugodištu propisana taksa se umanjuje za 50%.

TARIFNI BROJ 3.

Za svaku istaknutu firmu, oznaku obilježje ili natpis na objektima, upravnim zgradama, poslovnim jedinicama, prodajnim objektima i slično, kojim se označava da određeno pravno ili fizičko lice obavlja izvjesnu djelatnost ili zanimanje, plaća se godišnje taksa u iznosu kako slijedi:

I ZONA	PRAVNO LICE	FIZIČKO LICE
obuhvata uže urbano područje grada i to: naselje Breza, Bate i Založje	600,00 KM	300,00 KM
II ZONA obuhvata naselja: Banjevac, Mahala, Bulbulušići, Novo naselje, Smailbegovići, Potkraj i Kahve	580,00 KM	280,00 KM
III ZONA obuhvata naselja: Kamenice, Podžupča, Vrbovik i Industrijsku zonu Kamenica	560,00 KM	260,00KM
IV ZONA obuhvata naselja: Župča, Izbod, i Podgora.	540,00 KM	240,00 KM
V ZONA obuhvata naselja: Vijesolići, Vardište i Prhinje.	520,00 KM	220,00 KM
VI ZONA obuhvata naselja: Hrasno, Trtorići, Orahovo, Slivno i M. Rijeka.	500,00 KM	200,00 KM

NAPOMENA:

Ako se radi o pravnom licu koje posjeduje više poslovnih jedinica (prodavnica, magacina, skladišta, stovarišta, trgovinskih radnji i drugih objekata), za svaku poslovnu jedinicu plaća se taksa u iznosu od još po 100,00 KM.

Ako se firma ističe u drugom polugodištu taksa se razrezuje u iznosu od 50% od propisane.

TARIFNI BROJ 3a

Za svaku istaknutu firmu, oznaku, obilježje ili natpis na pokretnim objektima, kojim se označava da određeno pravno ili fizičko lice obavlja izvjesnu djelatnost ili zanimanje, plaća se godišnja taksa u iznosu od:

PRAVNO LICE	FIZIČKO LICE
100,00 KM	50,00 KM

NAPOMENA:

Navedeni tarifni broj odnosi se na djelatnosti, odnosno zanimanja koja se obavljaju u pokretnim objektima kao npr. prevoz putnika u redovnom drumskom saobraćaju, taksi služba, prevoz robe i tereta u drumskom saobraćaju i slično.

TARIFNI BROJ 3.b

Za svaku istaknutu firmu, oznaku, obilježje ili natpis kojim se označava da određeno pravno ili fizičko lice obavlja poljoprivrednu djelatnost ili zanimanje, plaća se godišnja taksa u iznosu od:

PRAVNO LICE	FIZIČKO LICE
100,00 KM	50,00 KM

TARIFNI BROJ 4.

Za privremeni boravak u hotelima, motelima, prenoćištima i kućnoj radinosti za lica starija od 15 godina plaća se dnevno: - za domaća lica 1 KM - za strane državljane 2 KM.

TARIFNI BROJ 5.

Za držanje žive muzike u ugostiteljskim objektima plaća se dnevno 10 KM.

TARIFNI BROJ 6.

Za isticanje objava, oglasa, saopštenja i slično na javnim mjestima plaća se po komadu, panou, listu i slično i to:

- do 30 dana	20 KM
- preko 30 dana	5 KM
- za postavljanje stalnih panoa godišnje	200 KM

TARIFNI BROJ 7.

Za izlaganje i prodaju robe van poslovnog prostora plaća se komunalna taksa u iznosu od 20 KM mjesečno.

Za izlaganje i prodaju roba van poslovnog prostora za vrijeme pazarnog dana plaća se komunalna taksa u iznosu od 10 KM dnevno.

TARIFNI BROJ 8.

I - Za korištenje slobodnih površina za kampove (šatore, prikolice, automobile) deponije materijala i drugu privremenu upotrebu plaća se dnevno i to:

a) za svaki šator	2 KM
-------------------	------

- | | |
|---|------|
| b) za kamp prikolicu | 2 KM |
| c) za automobil | 1 KM |
| d) za ostale svrhe iz ovog tarifnog broja | 4 KM |

II - Za parkiranje motornih vozila na javnim saobraćajnim površinama u gradu plaća se i to:

- | | |
|---|-------|
| a) za parkiranje putničkih vozila na parkiralištu sa ručnom ili automatskom naplatom za 60 min. | 1 KM |
| b) za parkiranje vozila pravnih lica uz posebno odobrenje plaća se mjesečno | 40 KM |
| c) za parkiranje vozila građana uz posebno odobrenje plaća se mjesečno | 20 KM |
| d) za parkiranje autobusa sa ručnom naplatom za 60 min. | 3 KM |
| e) za parkiranje kamiona uz ručnu naplatu plaća se dnevno: do 2 t 5 KM preko 2 t | 10 KM |
| f) za parkiranje kamiona uz odobrenje plaća se mjesečno: do 2 t 40 KM preko 2 t | 60 KM |
| g) za parkiranje putničkih vozila uklonjenih paukom i zauzimanje javne saobraćajne površine u svrhe koje nisu posebno naznačene plaća se dnevno | 10 KM |
| h) za korištenje TAXI stajališta plaća se mjesečno: | |
| za I kategoriju | 20 KM |
| za II kategoriju | 15 KM |
| za III kategoriju | 10 KM |
| i) za pregled vozila o ispunjenju tehn-eksploatac. uslova: | |
| za TAXI vozila | 15 KM |
| za kamione | 20 KM |

NAPOMENA: Naplatu takse za parkiranje vozila vrši Udruženje ratnih vojnih invalida.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 2. alineja 18. Zakona o principima lokalne samouprave u Federaciji BiH („Službene novine FBiH“, broj 49/06), a u vezi sa članom 49. Zakona o komunalnim djelatnostima („Službene novine Zeničko-dobojskog kantona“, broj: 17/08), člana 19. tačka 2. Statuta Općine Breza („Službeni glasnik Općine Breza“, broj 8/09 – Prečišćeni tekst),) i člana 126. Poslovnika o radu Općinskog vijeća („Službeni glasnik Općine Breza“ broj 3/11- prečišćeni tekst), Komisija za Statut i propise Općinskog vijeća Breza, na sjednici održanoj 18.12.2014. godine, utvrđuje:

O D L U K U
o komunalnom redu
(prečišćeni tekst)

I OPĆE ODREDBE

Član 1.

Ovom Odlukom se propisuje: uređenje naselja, održavanje čistoće i čuvanja javnih površina, sakupljanje, odvoz i postupanje s komunalnim otpadom, uklanjanje snijega i leda, uklanjanje protupravno postavljenih predmeta, mjere za provođenje komunalnog reda i kaznene odredbe.

Član 2.

Javnim površinama u smislu ove Odluke smatraju se:

- javne zelene površine, zelene površine stambenih, odnosno urbanih gradskih cjelina, pješačke staze, zelene površine posebne namjene, površine za rekreaciju i fizičku kulturu na otvorenom prostoru, zaštitna područja i zaštitni zeleni pojasevi infrastrukturnih sistema ako nije uređeno posebnim propisom, površine uz uređenu i neuređenu obalu rijeka i jezera, neuređene javne površine i prostore i neizgrađena građevinska i ostala zemljišta, ako nije uređeno posebnim propisom,
- javne saobraćajne površine (ulice, kolovozi, pločnici i rigoli, putevi, prilazi, prolazi, trgovi, podvožnjaci i nadvožnjaci, mostovi i stepeništa van zgrade, autobuska stajališta ako nije uređeno posebnim propisom), javna parkirališta,
- druge površine koje posebnim propisom budu utvrđene kao javne površine.

II UREĐENJE NASELJA

Član 3.

Pod uređenjem naselja smatra se uređenje vanjskih dijelova zgrada/ kuća ograda, izloga, reklama, natpisa, javne rasvjete i postavljanje komunalne opreme i komunalnih objekata u općoj upotrebi i slično.

1. Uređenje vanjskih dijelova zgrade

Član 4.

Vanjski dijelovi zgrada (pročelja, balkoni, terase, ulazna vrata, prozori, žlijebovi i drugo) moraju biti uredni i čisti, a oštećenja se moraju popraviti.

Zgrade koje svojim izgledom zbog oštećenja ili dotrajalosti vanjskih dijelova nagrđuju opći izgled ulice i naselja moraju se urediti u roku koji odredi nadležni organ Općine.

Član 5.

Korisnici stambenih i drugih prostorija dužni su se brinuti o urednom vanjskom izgledu i čistoći balkona, prozora, uličnih terasa i naprava na vanjskim dijelovima zgrada, te ih ukrašavati ukrasnim biljem, kao i brinuti se o urednom izgledu i čistoći ulaznih vrata u zgradi i prostora za smeće.

Zabranjeno je na prozorima, balkonima, ogradama i drugim dijelovima zgrada, okrenutim neposredno frekventnim javnim površinama, vješati ili izlagati rublje, posteljinu, tepihe i slično čime se nagrđuje vanjski izgled zgrade, odnosno ulice i naselja.

Član 6.

Natpisi korisnika poslovnih prostorija na zgradi moraju biti čitljivi, tehnički i estetski oblikovani, jezično ispravni i uredni, a postavljaju se u pravilu u okviru izloga ili vrata i ne smiju svjetlom ili zvučnom reklamom ometati ostale korisnike zgrade.

Korisnici poslovnih prostora dužni su naziv ukloniti u roku od 15 dana od dana prestanka obavljanja djelatnosti, odnosno iseljenja iz zgrade.

Izlozi, izložbeni ormarići i drugi slični objekti za izlaganje robe za reklame postavljeni na zgradi uz javne površine moraju biti tehnički i estetski oblikovani, odgovarajuće osvjetljeni i u skladu s izgledom zgrade i okoline. Izlozi se moraju održavati čistim.

2. Uređenje ograda, vrtova, voćnjaka i sličnih površina

Član 7.

Ograde uz javne površine moraju biti izgrađene tako da se uklapaju u okolni izgled naselja, u pravilu od ukrasne živice, te ne smiju biti izvedene od bodljikave žice, šiljaka i slično. Bodljikava žica, šiljci i slično mogu se postaviti kao dopuna postojeće ograde samo iznad visine od 190 cm i to tako da ne smeta prolaznicima i da po svome položaju ne predstavlja opasnost od ozljeda kod normalnoga prolaza.

Odredba člana 4. stav 2. ove Odluke odgovarajuće se primjenjuje i na održavanje i popravljavanje ograda.

Član 8.

Vrtove, voćnjake i druge slične površine sa izlazom na javnu površinu moraju održavati uredno, osobe koje ih koriste.

3. Reklame, natpisi, izlozi i plakati na javnim površinama

Član 9.

Reklame, reklamne konstrukcije, reklamne ploče, izlozi, jarboli za zastave, transparenti i drugi prigodni natpisi mogu se postavljati samo uz odobrenje Službe za prostorno uređenje, zaštitu okolice, geodetske i imovinsko-pravne poslove (u daljem tekstu: Služba za prostorno uređenje).

Član 10.

Plakati, oglasi i slične objave mogu se postavljati samo na mjestima predviđenim za tu namjenu (oglasne ploče, oglasni stubovi i oglasni ormarići).

Raspored i broj mjesta za oglašavanje utvrđuje Služba za prostorno uređenje uz konsultacije sa predstavnicima mjesnih zajednica.

Postavljeni plakat, oglas i slične objave postavljajući su dužni ukloniti u roku od pet dana po isteku razloga za plakatiranje, odnosno oglašavanje.

Član 11.

Natpisi, reklame, reklamne ploče, reklamne konstrukcije, jarboli za zastave i transparenti i drugi prigodni natpisi, izlozi, zaštitne naprave na izlozima (stakla, prozori, roletne, tende, platna i slično), oglasne ploče, oglasni stubovi, oglasni ormarići i plakati moraju se održavati u čistom, urednom i ispravnom stanju, a dotrajali se moraju obnoviti, odnosno zamijeniti.

Predmete i naprave iz prethodnog stava zabranjeno je prljati, oštećivati ili uništavati.

Član 12.

Svijetleći natpisi i reklame moraju biti upaljeni, a izlozi osvijetljeni cijele noći.

Svaki kvar na svijetlećem natpisu ili reklami mora se ukloniti u roku od 8 dana.

Neispravne svijetleće natpise, odnosno reklame, kao i one koje se ne mogu popraviti dužan je korisnik odmah ukloniti.

4. Javna rasvjeta

Član 13.

Javna rasvjeta mora biti izvedena u skladu sa savremenom svjetlosnom tehnikom, uzimajući u obzir značaj pojedinih dijelova grada i pojedinih javnih površina, promet i potrebe građana. Rasvjetna tijela moraju biti funkcionalna i estetski oblikovana.

Javna rasvjeta mora se redovno održavati u stanju funkcionalne sposobnosti (prati, mijenjati dotrajale žarulje i slično).

Održavanje javne rasvjete povjerit će se licu registrovanom za tu namjenu u skladu sa propisima o nabavci javnih radova i usluga.

Javna rasvjeta u pravilu mora svijetliti cijele noći.

Član 14.

Zabranjeno je oštećivanje i uništavanje rasvjetnih stubova i rasvjetnih tijela i postavljanje oglasa, obavijesti, reklama i sličnoga na te stubove.

Na objekte iz stava 1. ovog člana mogu se, izuzetno postavljati ukrasne zastavice i informativno-propagandni panoi uz odobrenje Službe za prostorno uređenje, zaštitu okolice, geodetske imovinsko-pravne poslove ali tako da ne smetaju namjeni objekta.

5. Rekreativne površine i javna sportska igrališta**Član 15.**

Rekreativne površine, sportska i dječja igrališta i ostali javni sportski objekti kao i oprema i uređaji na njima moraju se održavati u urednom i ispravnom stanju.

O urednosti i ispravnosti brinu lica kojima je povjereno upravljanje nad istim. Na površinama i objektima iz prethodnog stava moraju biti na vidnome mjestu istaknute odredbe o održavanju reda, čistoće, zaštite zelenila i slično.

6. Komunalni objekti i uređaji u općoj upotrebi**Član 16.**

U svrhu snalaženja građana u gradu postavlja se orijentacijski plan grada Breza.

Orijentacijski plan postavlja i održava pravna osoba ili obrtnik kojima poslove povjeri Služba za prostorno uređenje.

Član 17.

Na važnijim trgovima i raskrscima mogu se postaviti javni satovi. Javne satove postavlja i održava pravna osoba ili obrtnik kojima te poslove povjeri Služba za prostorno uređenje.

Pravna osoba ili obrtnik kojima su povjereni poslovi postavljanja i održavanja javnih satova mora ih održavati u ispravnom i urednom stanju.

Član 18.

Satovi koje ističu pravne osobe ili obrtnici, kao reklamu moraju se održavati u urednom i ispravnom stanju.

Član 19.

Protupožarni hidranti i hidranti za pranje i zalijevanje javnih površina moraju se održavati u ispravnom stanju, a održava ih Javno preduzeće "Komunalno" d.o.o. Breza (u daljem tekstu: Javno preduzeće).

Zabranjeno je uništavanje, oštećenje ili neovlaštena upotreba hidranata za vlastite potrebe (pranje automobila ili privatnih prostora i slično).

Član 20.

Javni zahodi mogu se izgraditi na javnim površinama u skladu sa prostorno – planskom dokumentacijom i urbanističko-tehničkim uslovima koje izdaje Služba za prostorno uređenje.

Javni zahodi moraju biti opremljeni savremenom opremom i moraju se održavati u urednom i ispravnom stanju.

Član 21.

Javne telefonske govornice i poštanski sanduci mogu se postavljati na trgovima, ulicama, te uz stambene objekte s većim brojem stanova uz odobrenje Službe za prostorno uređenje.

Član 22.

Javne telefonske govornice i poštanska sandučad moraju se održavati u ispravnom stanju, te kvarove otklanjati u najkraćem mogućem vremenu, a najkasnije u roku od 3 dana.

Član 23.

Zabranjeno je uništavati komunalne objekte i uređaje u općoj upotrebi, oštećivati, te po njima šarati, crtati ili ih na bilo koji drugi način prljati i nagrđivati.

Član 24.

Način korištenja javnih površina i izdavanje odobrenja za zauzimanje javne površine regulisan je Odlukom o privremenom zauzimanju javnih površina na području Općine Breza („Službeni glasnik Općine Breza“ broj: 5/08) .

7. Autobuska stajališta i parkirališta**Član 25.**

Stajališta javnog prevoza moraju u pravilu biti natkrivena i opremljena klupama.

Stajališta javnog prevoza moraju se održavati u urednom i ispravnom stanju, a svako oštećenje tih prostora mora se u najkraćem roku otkloniti. Na stajalištima se obavezno postavljaju korpe za smeće.

Stajališta održavaju ovlaštene pravne osobe za prijevoz putnika u javnom prevozu, odnosno Javno preduzeće kojem je povjereno održavanje javnih površina, a na njihov teret.

Član 26.

Uređenje i održavanje javnih gradskih parkirališta određuje se posebnom odlukom.

8. Otvorene pijace**Član 27.**

Lokacije otvorenih pijaca na području općine odredit će svojim aktom Služba za prostorno uređenje.

Upravljanje pijacama povjerava se pravnom licu registrovanom za obavljanje te djelatnosti, aktom kojim se definišu međusobna prava i obaveze.

Otvorene pijace na kojima se obavlja promet poljoprivrednim i drugim proizvodima moraju biti čiste i uredne o čemu se brine ovlaštena pravna osoba.

Planom rasporeda koji se donosi za svaku pijacu posebno, a koji na prijedlog ovlaštene pravne osobe za upravljanje i održavanje pijaca donosi Služba za prostorno uređenje, određuje se raspored i broj štandova, kioska i drugih pokretnih i nepokretnih naprava, lokacija kontejnera kao i granice pijace.

Pijačni red donosi ovlaštena pravna osoba za upravljanje i održavanje pijaca.

Pijačnim redom utvrđuje se naročito:

- radno vrijeme,
- šta se gdje smije prodavati,
- vrijeme dostave proizvoda na pijacu,
- čišćenje i odvoženje smeća.

Pijačni red mora se istaknuti na više mjesta na pijaci, ovisno o veličini pijace.

Član 28.

Po isteku vremena određenog za prodaju poljoprivrednih proizvoda na malo izvan kioska, osoba ovlaštena za upravljanje pijacom dužna je s pijace ukloniti sve klupe i druge pokretne naprave, te pijacu najkasnije do 18 sati svakog dana dovesti u čisto i uredno stanje.

Član 29.

Zabranjeno je prodavanje ili izlaganje poljoprivrednih i prehrambenih i drugih proizvoda (od tekstila, plastike, metala, knjige i dr.) izvan prostora otvorenih pijaca.

Ako prodavac ne postupi po rješenju komunalnog inspektora, prehrambena roba odmah će se privremeno oduzeti.

Oduzeta roba može se u roku od 24 sata preuzeti s plaćanjem nastalih troškova, a u protivnom se daje humanitarnim organizacijama ili se uništava.

Neprehrambena roba se odmah privremeno oduzima, a ista se može preuzeti u roku od 8 dana s plaćanjem nastalih troškova, a u protivnom se prodaje na licitaciji ili neposrednom pogodbom, radi podmirenja nastalih troškova.

9. Red kod istovara, utovara i smiještanja materijala i robe na javnim površinama

Član 30.

Za istovar, smještaj i utovar građevinskog materijala, podizanje skela, postavljanje dizalica, te popravke vanjskih dijelova zgrade i slične radove koji služe građevinskoj svrsi mora se prvenstveno upotrebljavati vlastito zemljište.

U opravdanim slučajevima mogu se za potrebe iz prethodnog stava privremeno koristiti javna površina ili neizgrađeno građevinsko zemljište.

Odobrenje za korištenje javnih površina iz prethodnog stava izdaje izvođačima, odnosno investitorima radova Služba za prostorno uređenje.

Član 31.

Kod izvođenja radova navedenih u prethodnom članu, zauzeti dio javne površine mora se ograditi u skladu sa odobrenjem iz prethodnog člana.

Ako se građevinski materijal odlaže u drvoredima, tada se stabla moraju zaštititi tako da se deblo stabla obloži oplatama koje ne smiju biti bliže od 15 cm kori stabla.

Član 32.

Za vrijeme obavljanja radova iz člana 31. stav 1. ove Odluke izvođač mora poduzeti sve propisane i uobičajene mjere sigurnosti. Za sigurnost radova odgovoran je izvođač radova.

Ako se gradnja iz bilo kojeg razloga na duže vrijeme obustavi, komunalni inspektor može odrediti da se uklone skele i drugi materijal s javne površine.

Član 33.

Korisnik odobrenja za zauzimanje javne površine i neizgrađenog građevinskog zemljišta za potrebe gradnje dužan je najkasnije u roku od 24 sata po završetku radova obavijestiti općinsku službu koja im je izdala odobrenje da mu zauzeta površina nije više potrebna.

Služba iz prethodnog stava pregledat će korišteni prostor i ako ustanovi da postoji kakvo oštećenje, naredit će korisniku javne površine dovođenje korištenog prostora u prvobitno stanje o vlastitom trošku.

Član 34.

Za istovar ogrijeva, te za rezanje i cijepanje drva treba koristiti vlastito zemljište.

U slučaju potrebe može se koristiti javna površina, ali tako da se ta površina ne oštećuje i da se ne ometa saobraćaj.

Služba za prostorno uređenje može u pojedinim dijelovima grada ili u pojedinim ulicama potpuno zabraniti ili vremenski ograničiti obavljanje radova iz prethodnog stava.

Drva, ugalj i slično moraju se ukloniti najkasnije do noći, a upotrijebljena površina mora se odmah očistiti od piljevine i drugih otpadaka.

Zabranjeno je cijepanje drva i drugi slični radovi na javnim saobraćajnim površinama.

Utovar i istovar robe i materijala prvenstveno se obavlja na površinama koje nisu javne.

U opravdanim slučajevima može se utovar i istovar privremeno obaviti i na javnim saobraćajnim površinama pod uslovom da se one ne oštećuju.

Ako se roba mora izuzetno istovariti na samu javnu saobraćajnu površinu, mora se složiti tako da ne ometa saobraćaj i mora se ukloniti u roku od 24 sata.

10. Odlaganje zemlje i otpadnog građevinskog materijala

Član 35.

Izvođači građevinskih radova dužni su višak zemlje iz iskopa i otpadni građevinski materijal odlagati za tu svrhu predviđena odlagališta-deponije.

Pri iskopu se mora odvojiti plodna zemlja-humus i odvoziti na posebnu deponiju plodne zemlje koju će odrediti Služba za prostorno uređenje.

Neplodna zemlja iz iskopa i otpadni građevinski i drugi materijal odlagat će se na površinu koju će svojim aktom odrediti Služba za prostorno uređenje.

Do odlagališta iz prethodnog stava, prilaz mora biti izgrađen tako da spriječava iznošenje blata i zemlje na javne saobraćajne površine.

Član 36.

Izvođač građevinskih radova prilikom odlaganja zemlje i otpadnog građevinskog materijala dužan je pridržavati se uputa o načinu odlaganja materijala koje daje upravljač odlagališta i platiti utvrđenu naknadu.

Član 37.

Zabranjeno je odlagati zemlju i otpadni materijal izvan odlagališta predviđenih za tu svrhu.

Zemlju i otpadni građevinski materijal, odložene izvan predviđenih odlagališta, uklonit će se u postupku prinudnog administrativnog izvršenja komunalnog inspektora, a o trošku prekršioca.

III ODRŽAVANJE ČISTOĆE I ČUVANJE JAVNIH POVRŠINA

1. Javne saobraćajne površine

Član 38.

Radi očuvanja javnih saobraćajnih površina zabranjeno je:

- bilo kakvo oštećenje javnih saobraćajnih površina ili objekata i uređaja koji su njihov sastavni dio,
- izvođenje bilo kakvih radova bez odobrenja nadležnog organa.

Komunalni inspektor izdat će rješenje za obustavu radova koji se izvode bez odobrenja i narediti dovođenje javne saobraćajne površine u prvobitno stanje.

Član 39.

Javne saobraćajne površine moraju se redovno čistiti i prati. Javne saobraćajne površine čiste se u pravilu danju, a peru noću između 21 i 5 sati.

Javne saobraćajne površine čisti Javno preduzeće u skladu sa Programom o održavanju i čišćenju javnih površina.

Član 40.

Pravne i fizičke osobe koje obavljaju djelatnost u objektima uz javne površine dužne su svakodnevno dovesti javnu površinu u čisto i uredno stanje, ako zbog njihove poslovne djelatnosti dolazi do onečišćavanja prostora oko njihovog objekta.

Vlasnik ili korisnik sportskih i rekreacijskih objekata, zabavnih parkova i igrališta, organizator javnih skupova i zakupac javnih površina obavezan je osigurati čišćenje prostora koji služi kao pristup tim objektima tako da ti prostori budu očišćeni u roku od jednog sata po završetku priredbe, odnosno radnog vremena tih objekata.

Član 41.

Na javnim saobraćajnim površinama, Javno preduzeće postavlja korpe za otpadke.

Korpe uz poslovne, trgovinske, ugostiteljske i uslužne objekte za prikupljanje otpadaka iz tih djelatnosti osigurava i održava vlasnik odnosno korisnik poslovnog objekta.

Član 42.

Posude, odnosno korpe za otpadke moraju biti izrađene od prikladnog materijala i estetski oblikovane.

Za postavljanje posuda, odnosno korpi za odlaganje otpadaka mogu se upotrebljavati stubovi, ograde uz trotoare i slobodna stojeća postolja.

Zabranjeno je postavljanje posuda, odnosno korpi za otpadke na stubove na kojima se nalaze saobraćajni znakovi, na drveće i stubove za isticanje zastava, te na drugim mjestima gdje nagrđuju izgled naselja, objekata ili ometaju saobraćaj.

Član 43.

Na javne površine ne smije se ostavljati ni bacati bilo kakav otpad ili na drugi način ih onečišćivati, a posebno se zabranjuje:

- bacanje i ostavljanje izvan korpi i drugih posuda za smeće raznog otpada,
- radnje kojima se onečišćuju javne površine,
- bacanje gorećih predmeta u korpe ili posude za smeće,
- odlaganje građevinskog i drugog otpadnog materijala na javne površine bez odobrenja nadležnog organa, kao i postavljanje predmeta, naprava i strojeva koji mogu ozlijediti ili uprljati prolaznike,
- popravak, servisiranje i pranje vozila na javnim površinama,
- ispuštanje otpadnih voda i gnojnica,
- oštećenje korpi za smeće i drugih posuda namijenjenih sakupljanju smeća,
- bacanje reklamnih i drugih letaka bez odobrenja nadležnog organa,
- zagađivanje potoka, rijeka Stavnje i Misoče, njihovih rukavaca i jezera (Kahve, Hrasno i dr.) krutim i tekućim otpacima,
- paljenje otpada u naseljenim mjestima,
- obavljanje bilo kakvih radnji ili njihovo propuštanje kojima se onečišćuje javna saobraćajna površina.

Član 44

Javno preduzeće kojem je povjerena djelatnost odvođenja i pročišćavanja otpadnih i atmosferskih voda, dužno je redovno održavati i čistiti kanalizacijsku mrežu radi osiguranja od plavljenja javnih saobraćajnih površina.

Član 45.

Zabranjeno je svako onečišćavanje, te crtanje i štampanje na javnim saobraćajnim površinama, čime se ugrožava sigurnost saobraćaja.

Član 46.

Vozila koja učestvuju u saobraćaju ne smiju onečišćavati javne saobraćajne površine.

Vozila koja prevoze tekući ili rasuti materijal moraju imati ispravnu opremu za transport iz kojih se materijal ne smije prosipati ni teći.

Vozila koja prevoze papir, sijeno, slamu, piljevinu, lišće i slično moraju se prekriti ceradom ili na drugi način osigurati da materijal ne prosipaju po javnim saobraćajnim površinama.

Član 47.

Pri obavljanju građevinskih radova izvođači su dužni poduzimati sljedeće mjere spriječavanja onečišćavanja javnih površina:

- očistiti javne površine oko gradilišta od svih vrsta građevinskog i drugog materijala, a čije je taloženje na javnim površinama posljedica izvođenja građevinskih radova,

- polijevati trošni materijal za vrijeme rušenja građevinskih objekata kako bi se spriječilo stvaranje blata i prašine,
- čistiti ulične slivnike u neposrednoj blizini gradilišta,
- deponovati građevinski materijal u okviru gradilišta tako da se ne ometa saobraćaj i slobodno otjecanje vode i da se materijal ne raznosi po javnim površinama.

Kod većih zemljanih radova Služba za prostorno uređenje može posebnim aktom odrediti ulice za odvoz i dovoz materijala.

2. Javne zelene površine

Član 48.

Javna zelena površina mora se uređivati i redovno održavati tako da svojim izgledom uljepša naselje i služi svrsi kojoj je namijenjena.

Održavanjem javne zelene površine ne smije se mijenjati projekat prema kojemu je izgrađena, odnosno rekonstruirana.

Član 49.

Pod održavanjem javnih zelenih površina smatra se:

1. obnova travnog pokrivača,
2. rezidba i oblikovanje stabala i grmlja,
3. okopavanje bilja,
4. košenje trave,
5. gnojenje i folijarno prehranjivanje bilja,
6. uklanjanje otpaloga granja, lišća i drugih otpadaka,
7. održavanje posuda s ukrasnim biljem u urednom i ispravnom stanju,
8. preventivno djelovanje na spriječavanju biljnih bolesti, uništavanju biljnih štetnika, te kontinuirano provođenje zaštite zelenila,
9. održavanje pješačkih staza i naprava na javnim zelenim površinama (oprema) u urednom stanju (popravke klupa, posuda, odnosno košara za otpadke, spremišta za alat i slično),
10. postavljanje zaštitinih ograda od prikladnog materijala, odnosno sadnja živice na mjestima ugroženim od uništavanja,
11. postavljanje natpisa i upozorenja za zaštitu javne zelene površine,
12. obnavljanje, a po potrebi i rekonstrukcija zapuštene javne zelene površine,
13. skidanje snijega s grana,
14. zaostalo opremanje javne zelene površine oko stambenih objekata,
15. uređenje i privođenje namjeni neuređene javne zelene površine.

Pokošena trava, lišće i drugi otpaci moraju se odmah ukloniti s javne zelene površine. Održavanje zelenih površina povjerava se Javnom preduzeću posebnom Odlukom.

Član 50.

Pravna ili fizička osoba koja upravlja ili gospodari javnim sportsko-rekreacijskim ili drugim centrom, park-šumom, spomen područjem, grobljem i slično obavezna je održavati tu javnu zelenu površinu i brinuti se za njezinu zaštitu i obnovu u skladu s prethodnim članom.

Član 51.

Zelena površina smije se koristiti samo u svrhu za koju je namijenjena.

Član 52.

Javno preduzeće, ovlašteno pravno ili fizičko lice kojem je povjereno održavanje zelenih površina obavezno je redovito popunjavati drvorede, te osušena i bolesna stabla zamjenjivati stablima odgovarajuće vrste, uklanjati suhe i bolesne grane, te uništavati štetnike na javnoj zelenoj površini.

Član 53.

Prilikom uređivanja (betoniranja i asfaltiranja) površina na kojima postoje pojedinačna stabla mora se ostaviti odgovarajuća orubljena slobodna površina, minimalno 0.8 m računajući od debla stabla.

Stabla i grane na javnoj zelenoj površini koja zaklanjaju saobraćajne znakove, smetaju zračnim vodovima, električnim, PTT i sličnim linijama, siječe, odnosno uklanja ovlašteno lice po rješenju Službe za prostorno uređenje

Radovi iz stava 2. ovog člana koji ne ulaze u redovno održavanje obavljaju se na trošak naručioca radova.

Član 54.

Stabla, ukrasne živice i drugo zelenilo i zelenilo iz privatnih posjeda uz saobraćajnice mora se uredno održavati tako da ne prelazi preko granične linije posjeda na saobraćajne površine i ne ometa vidljivost ili preglednost u saobraćaju.

Član 55.

Na javnoj površini mogu se postavljati posude s ukrasnim biljem po odobrenju Službe za prostorno uređenje.

Vlasnik je obavezan održavati, nadopunjavati, obnavljati i čistiti postavljenu posudu s ukrasnim biljem.

Član 56.

Unutar zelenih površina dopušteno je postavljanje novih električnih telefonskih, vodovodnih, kanalizacijskih i plinskih vodova uz prethodno pribavljeno odobrenje Službe za prostorno uređenje i obavezu izvođača radova da uspostavi prijašnje stanje zelene površine.

Član 57.

Bez odobrenja Službe za prostorno uređenje zabranjeno je na javnoj zelenoj površini:

1. rezanje grana i vrhova, obaranje i uklanjanje drveća, te vađenje panjeva,
2. prekopavanje javne zelene površine,
3. rekonstrukcija postojećih i izgradnja nove javne zelene površine,
4. postavljanje bilo kakvih objekata, uređaja, naprava, reklamnih panoa i slično,
5. odlaganje građevinskog materijala,
6. kampovanje
7. sakupljanje plodova, granja i lišća.

Član 58.

Radi zaštite javne zelene površine, zabranjuje se:

1. rezanje i skidanje grana i vrhova sa ukrasnog drveća i grmlja,
2. guljenje kore stabla, zasjecanje, zarezivanje, savijanje, kidanje, zabadanje noževa, zabijanje čavala, stavljanje plakata i slično, bušenje, gaženje, te drugo oštećivanje drveća, grmlja i živica,
3. penjanje po drveću,
4. neovlašteno skidanje plodova s drveća i grmlja, kidanje i branje cvijeća,
5. neovlašteno sakupljanje i odnošenje suhog granja, kore i lišća,
6. branje lipovog cvijeta, mladica od jele i smreke, te zakonom zaštićenog i ostalog bilja,
7. uništavanje travnjaka, iskopavanje i odnošenje zemlje, humusa i bilja,
8. bacanje papira i otpadaka, smeća, piljevine, pepela, grana i njihovo paljenje,
9. dovođenje i puštanje životinja,
10. oštećivanje ili izvaljivanje stabala i grmlja, oštećivanje stabala raznim materijalima prilikom gradnje, istovara i dopreme građevinskog materijala, drva, ugljena i drugog, zabijanje oplata i upiranje u deblo,

- 11.oštećivanje opreme (na primjer ograde, ogradnog stupca i žice, stolova, uređaja za rekreaciju, vodovoda, sanitarnih uređaja, javne rasvjete) te njihovo prljanje, zagađivanje i oštećivanje,
- 12.puštanje otpadnih voda, kiselina, motornih ulja i gnojica i svako zagađivanje,
- 13.vožnja biciklom, motorom, automobilom ili sličnim vozilima za teret (osim ako se takva vozila kreću u svrhu održavanja javne zelene površine), te parkiranje vozila,
- 14.loženje vatre i potpaljivanje stabala,
- 15.rezanje, odnosno prekidanje korijena stabla,
- 16.poduzimanje zahvata koji mogu izazvati stvaranje klizišta na području koje nije utvrđeno posebnim propisima kao erozivno područje,
- 17.pranje vozila na javnim zelenim površinama,
- 18.istovar i skladištenje ogrijevnog drveta, uglja, otpadnog materijala, željeza, lima i slično,
- 19.bacanje otpadaka i drugih predmeta u bazene i fontane,
- 20.hvatanje i uznemiravanje ptica i ostalih životinja,
- 21.nenamjensko korištenje i oštećivanje opreme.

Član 59.

Zabranjena je sječa, rezanje i uklanjanje rijetkog ili za ovu regiju karakterističnog i hortikulturno vrijednog drveća bez odobrenja stručne komisije.

Komisiju iz prethodnog stava imenuje Općinski načelnik.

Član 60.

Osoba koja učini štetu na zelenim površinama svojim štetnim radnjama ili upotrebom vozila i slično obavezna je nadoknaditi pričinjenu štetu prema odredbama glave IX ove Odluke.

U slučaju da se kod štete prouzrokovane upotrebom vozila ne može utvrditi identitet osobe koja je počinila štetu, teretit će se vlasnik vozila s kojim je šteta pričinjena.

Član 61.

Rješenjem Službe za prostorno uređenje naredit će se vlasniku, odnosno korisniku zelene površine uklanjanje osušenog ili bolesnog stabla ili samo grana koji bi svojim rušenjem, odnosno padom mogli ugroziti sigurnost ljudi, saobraćaja, objekata i slično.

Svaku štetu koja nastane rušenjem stabla ili grane iz stava 1. ovog člana, dužan je nadoknaditi vlasnik, odnosno korisnik zemljišta.

Na način iz stava 1. ovog člana postupit će se i u slučaju kada pojedino stablo ugrožava sigurnost objekta (potkopavanje temelja, podizanje asfaltnog sloja na saobraćajnici i slično).

IV SAKUPLJANJE, ODVOZ I POSTUPANJE SA SAKUPLJENIM OTPADOM

Član 62.

Otpadom se smatraju sve otpadne materije koje nastaju kao posljedica života u naselju i to:

1. smeće na javnim površinama,
2. kućno smeće,
3. glomazni otpad,
4. tehnološki otpad.

1. Smeće na javnim površinama

Član 63.

Smećem na javnim površinama smatraju se svi otpaci koji nastaju na tim površinama.

Član 64.

Kućnim smećem smatraju se kruti otpaci koji dnevno nastaju u stambenim objektima, zajedničkim prostorijama stambenih zgrada, garažama, dvorištima, vrtovima i poslovnim prostorijama, koji se po svojoj veličini mogu odlagati u vreće ili u posude za kućno smeće.

Član 65.

Glomaznim otpadom smatraju se kruti otpaci koji nastaju u stambenim objektima, zajedničkim prostorijama stambenih zgrada i u poslovnim prostorijama, koji se po svojoj veličini, količini ili postanku ne smatraju kućnim smećem u smislu prethodnog člana, a naročito kućanski aparati, pokućstvo, sanitarni uređaji, kartonska ambalaža u većim količinama ili većim dimenzijama, vozila i slično, te njihovi dijelovi.

Član 66.

Tehnološkim otpadom smatraju se otpaci koji nastaju kao posljedica tehnoloških procesa proizvodnje, prerade i pružanja usluga.

Član 67.

Odvoz kućnog smeća i glomaznog otpada vrši se pod uslovima propisanim ovom Odlukom.

Područja na kojima se obavezno prikuplja i odvozi kućno smeće i glomazni otpad utvrđuje Općinsko vijeće.

Član 68.

Na područjima koja su izuzeta iz režima organizovane službe odvoza kućnog smeća i glomaznog otpada, u skladu s odredbom iz prethodnog člana, građani su dužni sami na svome posjedu uništiti kućno smeće tako da ne zagađuju okolinu, a glomazni otpad odložiti na za to predviđenu lokaciju.

Lokaciju iz stava 1. ovog člana utvrđuje Općinsko vijeće na prijedlog Službe za prostorno uređenje koja je postupku obavezna pribaviti mišljenje određene mjesne zajednice.

2. Sakupljanje i odvoz kućnog smeća

Član 69.

Kućno smeće razvrstava se na smeće koje se sastoji od otpadaka koji se mogu korisno upotrijebiti, kao što su plastika, papir, staklo, željezo i ostalo kućno smeće.

Otpaci koji se mogu korisno upotrijebiti odlažu se u posebne posude koje na prikladnom mjestu i u potrebnom broju postavlja Javno preduzeće.

Mjesta iz prethodnog stava odredit će Služba prostornog uređenja, na prijedlog Javnog preduzeća kojem su povjereni ovi poslovi uz prethodno pribavljeno mišljenje mjesne zajednice.

Javno preduzeće dužno je obavijestiti građane o mjestu odlaganja otpadaka koji se mogu korisno upotrijebiti.

Član 70.

Kućno smeće odlaže se u vreće ili u posude za smeće.

Način na koji će se odvoziti smeće iz pojedinih naselja i ulica utvrdit će Javno preduzeće.

Član 71.

Vreće za odlaganje kućnog smeća moraju biti izrađene od čvrstoga nepropusnoga i neprozirnoga materijala.

Vreće u kojima se nalazi odloženo smeće moraju biti čvrsto zavezane kako bi se

onemogućilo ispadanje smeća i širenje neugodnih mirisa.

Zabranjeno je odlaganje kućnog smeća u oštećene vreće.

Zabranjeno je odlaganje žara i vrućeg pepela, tekućine i uginulih životinja u vreće za smeće.

Član 72.

Način nabavke vreća odredit će Javno preduzeće.

Član 73.

Vreće za smeće odlažu se na mjesta određena za odvoz smeća u vrijeme koje će odrediti Javno preduzeće.

Mjesto za smještaj vreća za kućno smeće sporazumno određuju Javno preduzeće i korisnici usluga iz čl. 75. ove Odluke, a ako ne dođe do sporazuma, rješenjem ga određuje Služba za prostorno uređenje.

Član 74.

Područja na kojima nije utvrđeno odlaganje smeća u skladu sa članom 75. stav 2. ove Odluke kućno smeće se odlaže kako odredi Javno preduzeće u dogovoru sa korisnicima usluga.

Član 75.

Zgrade u kojima se kućno smeće odlaže u posude za smeće moraju imati određeni prostor ili mjesto za smještaj posuda i dovoljan broj posuda. Broj i vrstu posuda za odlaganje smeća za svaku pojedinu zgradu utvrđuje javno preduzeće.

Broj posuda za odlaganje kućnog smeća određuje se na osnovu količine kućnog smeća iz pojedinih stanova s tim da najmanje na 3 stana dolazi jedna posuda za smeće, odnosno na 20 stanova jedan spremnik.

Član 76.

Posude za smeće, odnosno spremnik nabavlja Javno preduzeće i daje na upotrebu korisnicima odvoza kućnog smeća.

Za novosagrađene objekte i novootvorene poslovne prostorije iznimno posude za smeće, odnosno spremnike nabavlja investitor, odnosno korisnik poslovnog prostora.

Novootvorenim poslovnim prostorima u smislu ove Odluke smatraju se i poslovni prostori za koje prijašnji investitori, odnosno korisnici nisu nabavili odgovarajuće posude za smeće.

Javno preduzeće dužno je prati posude za smeće, odnosno spremnike, dezinficirati i dezinsekcirati ih najmanje 2 puta godišnje i održavati ih u ispravnom stanju.

Član 77.

Mjesto za smještaj posuda za kućno smeće odnosno spremnike sporazumno određuju Javno preduzeće i organ upravljanja zgradom, odnosno vlasnik zgrade u vlasništvu građana, a ako ne dođe do sporazuma, mjesto određuje rješenjem Služba za prostorno uređenje. Mjesto na kojima se posude za kućno smeće, odnosno spremnik drži mora biti ograđeno i mora se održavati u čistom i urednom stanju.

Zabranjeno je samoinicijativno premiještanje posuda za kućno smeće odnosno spremnika.

Član 78.

Korisnici odvoza kućnog smeća dužni su sakupljeno kućno smeće iz svojih prostorija pažljivo odlagati u posudu, odnosno spremnik za kućno smeće tako da se ono ne rasipa i ne prlja prostor oko posuda. Posude za kućno smeće, odnosno spremnici moraju biti zatvoreni.

Zabranjeno je odlaganje smeća uz posude za kućno smeće, odnosno spremnike, čak i u zatvorenim kesama ili kutijama. Prilikom odlaganja kućnog smeća korisnik usluge dužan je ambalažni otpad (kartonske kutije) usitniti.

Zabranjeno je oštećivati posude za kućno smeće, ulijevati u njih tekućinu, bacati žar ili vrući pepeo, te bacati ostatke životinja, građevinski materijal, glomaznu ambalažu, dijelove kućnog namještaja i slično.

Kad je posuda za kućno smeće ili spremnik puna, smeće se odlaže u najbližu drugu posudu za smeće ili spremnik.

Zabranjeno je onemogućavati pristup sabirnom vozilu, do mjesta na kojemu se posude za smeće, odnosno spremnici nalaze. Komunalni inspektor ovlašten je izdavati naloge za uklanjanje materijala i vozila koja onemogućavaju pristup sabirnih vozila.

Član 79.

Bolnice, ambulantne, veterinarske stanice i slične ustanove dužne su, s obzirom na infektivnost njihovih otpadaka, smeće i otpatke prije odlaganja u posude za smeće ili spremnike pakovati u posebne plastične vrećice.

Posude za smeće, odnosno spremnici ustanova iz prethodnog stava moraju biti smješteni u posebne prostorije koje se zaključavaju.

Član 80.

Javno preduzeće najmanje dva puta sedmično odvozi kućno smeće sabirnim kolima na način koji zadovoljava zdravstveno - higijenske propise. Sabirna vozila moraju se nakon dnevne upotrebe prati i dezinficirati.

Član 81.

Zaposlenici koji odvoze kućno smeće dužni su pažljivo rukovati vrećama ili posudama za smeće i spremnicima tako da se ono ne rasipa, ne onečišćava okolina, te da se posude za smeće ili spremnici zgrade ili ograde ne oštećuju.

Svako onečišćavanje ili oštećenje prouzrokovano odvozom kućnog smeća radnici su dužni odmah ukloniti, te pokupiti smeće oko posude ili spremnika i pomesti.

Nakon pražnjenja posuda, odnosno spremnika radnici koji obavljaju posao iz prethodnog stava dužni su posude za kućno smeće, odnosno spremnike vratiti na njihovo mjesto i zatvoriti poklopac.

Član 82.

Zabranjeno je svako prebiranje i prekopavanje po smeću u vrećicama, posudama za kućno smeće ili spremnicima i odnošenje smeća iz njih.

3. Glomazni otpad

Član 83.

Glomazni otpad odvozi se najmanje jedanput mjesečno. Mjesto sakupljanja i vrijeme odvoza spremnika za glomazni otpad određuje Služba za prostorno uređenje uz pribavljeno mišljenje mjesne zajednice, na prijedlog Javnog preduzeća koje o mjestu i vremenu odvoza, glomaznog otpada obaviještava građane na prikladan način.

Član 84.

Glomazni otpad koji se ne sakuplja i odvozi u skladu sa članom 83. ove Odluke, vlasnik otpada je dužan sam odvoziti na deponiju ili do objekta za preradu i uništavanje otpada.

Zabranjeno je glomazni otpad iz prethodnog stava odlagati, na mjesta koja nisu za to određena.

Član 85.

Zabranjeno je stavljanje glomaznog otpada u posude za kućno smeće ili spremnike za kućno smeće.

4. Tehnološki otpad

Član 86.

Privredna društva, obrtnici i druge fizičke i pravne osobe, dužne su sakupljati i odlagati tehnološki otpad prema vrsti u posebne posude na prikladnim mjestima na svom terenu.

Tehnološki otpad u pravilu odvozi Javno preduzeće.

Privredna društva i druge osobe kod kojih u procesu rada nastaje tehnološki otpad mogu uz posebno odobrenje Službe za prostorno uređenje, isti uništiti na adekvatan način,

ako za to ispunjavaju sanitarne, tehničke i druge uslove ili su dužni osigurati odvoz tog otpada na mjesta određena za njihovo odlaganje odnosno uništenje.

Tehnološki otpad s štetnim svojstvima mora se prije odlaganja ili konačnog uništenja, na odgovarajući način neutralizirati. Tehnološki otpad s toksičnim ili štetnim svojstvima mora se odlagati, odnosno uništavati na za to određenom mjestu.

Mjesto iz prethodnog stava određuje Služba za prostorno uređenje.

5. Postupanje sa sakupljenim otpadom

Član 87.

Preuzeti komunalni otpad se obrađuje, razvrstava, odlaže i zatrpava u skladu sa propisima uz osiguranje svih zakonom utvrđenih higijenskih, sanitarnih i drugih uslova.

Član 88.

Mjesta za deponije određuje Općinsko vijeće.

Služba za prostorno uređenje određuje način uređenja, održavanja, čuvanja, te prestanak korištenja deponija.

Član 89.

Deponiju uređuje i održava Javno preduzeće iz cijene odvoza i deponovanja smeća.

Član 90.

Otpad se na deponiji odlaže na mjestu i prema rasporedu što ih određuje Javno preduzeće.

Član 91.

Javno preduzeće je dužno sve mašine i opremu što se koriste na deponiji po završetku radnog vremena očistiti i dezinficirati.

Član 92.

Na deponijama se moraju postaviti uređaji za vaganje smeća, kao i objekti i uređaji za ličnu higijenu i zaštitu zaposlenika (garderobe, zahodi i pretprostori s uređajem za pranje ruku, tuševi, soba za dnevni boravak i prehranu).

Član 93.

Na deponiji nikome nije dozvoljeno zadržavanje bez odobrenja službene osobe.

Nije dozvoljeno prebirati niti razgrtati otpad, niti se otpad smije odvoziti s deponije.

Na deponiju se ne smiju dovoditi niti puštati domaće životinje, niti se smiju odlagati uginule životinje.

V UKLANJANJE SNIJEGA I LEDA

Član 94.

Snijeg i led uklanjaju se s javnih površina te krovova zgrada uz javne saobraćajne površine.

Snijeg s javnih površina treba se početi uklanjati kad napada 10 cm, a ako pada neprekidno mora se ukloniti i više puta.

Led s javnih površina uklanja se čim nastane.

Snijeg i led s krovova zgrada uklanjaju se kad postoji mogućnost da se odrone i ugroze sigurnost prolaznika.

Član 95.

Potrebna sredstva za uklanjanje snijega i leda s javnih saobraćajnih površina osiguravaju se u Budžetu.

Član 96.

O uklanjanju snijega i leda s posebnih parkirališta, tržnica na malo i sličnih prostora brinu se lica koja tim površinama upravljaju.

Član 97.

O uklanjanju snijega i leda sa površina uz zgrade brinu se vlasnici zgrada, odnosno vlasnici ili korisnici stanova i poslovnih prostorija u zgradi.

Član 98.

Javne saobraćajne površine mogu se, radi spriječavanja nastanka leda i radi spriječavanja klizanja, posipati odgovarajućim materijalom.

Putevi koji imaju javnu kanalizaciju, odnosno koji su izgrađeni od asfalta, betona ili kocke, ne smiju se prosipati materijalom granulacije promjera većeg od 8 mm.

Član 99.

Pravna ili fizička lica koja se brinu u skladu s ovom Odlukom o uklanjanju snijega i leda dužni su osigurati da se materijal kojim je posipana javna saobraćajna površina ukloni u roku od osam dana po otapanju snijega i leda.

Član 100.

Izvršavanje poslova iz članova 94., 96., 97. 98. i 99. nadzire komunalni inspektor.

VI SANITARNO KOMUNALNE MJERE UREĐENJA NASELJA**Član 101.**

Čišćenje septičkih jama mogu obavljati pravna i fizička lica registrovana za tu namjenu u skladu sa sanitarno-tehničkim uslovima, a na zahtjev vlasnika septičke jame.

Član 102.

Vlasnici septičkih jama dužni su na vrijeme zatražiti od ovlaštenog isporučiooca usluge čišćenja tih jama, kako ne bi došlo do prelijevanja, a time i onečišćavanja okoline.

Komunalna inspekcija kad utvrdi da se septička jama prelijeva ili propušta fekalije, odlučit će rješenjem o prekidanju dovoda vode zgradi ili objektu čije se fekalije izlijevaju iz septičke jame dok se ne sanira postojeće stanje. Troškove sanacije snosi vlasnik, odnosno korisnik septičke jame.

Član 103.

Ovlašteni isporučilac komunalne usluge koji odvozi fekalije dužan je iste izljevati u kanalizacionu mrežu na mjestima koja su za to određena, i snosi odgovornost za eventualno zagađenje okoline uz naknadu pričinjene štete ili uz plaćanje paušalne naknade štete po nalogu komunalnog inspektora.

Mjesta na kojima se fekalije izlijevaju u kanalizacionu mrežu određuje Služba za prostorno uređenje uz pribavljeno mišljenje mjesne zajednice na području gdje se obavlja izljev.

Član 104.

Radi održavanja i poboljšanja sanitarno-higijenskih uslova stanovanja i zdravijeg življenja, na području Općine Breza, zabranjeno je držanje domaćih životinja (stoke i peradi) na području centra grada Breza, koji omeđuju ulice užeg urbanog područja grada utvrđenog urbanističkim planom grada, i to: jug; Derviševića put do rijeke Stavnje, na sjever rijekom Stavnjom do potoka Crema, prugom do mosta iznad naselja Bate, ponovo rijekom do kuće Alija Ismić, obuhvatajući naselja Sutješko Polje, Orahovik, dalje putem Breza Smrekovica idući južno, obuhvatajući naselja Stara Kula i Kolonija prema bivšim zgradama GKP "Sretno" Breza, dalje granica obuhvata naselja Jasike, Vidikovac i pruža se prema domu Mahala i izlazi na regionalni put R 444.

Član 105.

Držanje pasa i mačaka uređeno je posebnim propisom.

Član 106.

Zabranjeno je puštanje životinja po javnim površinama u naseljima koja su izvan područja za koja vrijedi zabrana o držanju domaćih životinja, a posebno se zabranjuje vođenje i puštanje životinja na lokalitetu centra grada (parkovi)

Član 107.

Djelatnosti iz člana 2. Pravilnika o izmjenama i dopunama pravilnika o posebnom režimu kontrole djelatnosti koje ugrožavaju ili mogu ugroziti čovjekovu okolicu („Službene novine Zeničko-dobojskog kantona“ broj: 9/07) moraju se graditi izvan naselja najmanje 100 metara udaljeni od najbližeg stambenog objekta, te 50 metara od javnih cesta.

Član 108.

U svrhu zaštite zdravlja građana i stvaranja uslova za svakodnevan normalan život, u toku godine obavlja se obavezno dva puta sistematska dezinfekcija, dezinfekcija i deratizacija.

Član 109.

Pod pojmom sistematske dezinfekcije podrazumijeva se prskanje ili zamagljivanje odgovarajućim sredstvima određenih prostora u cilju uništavanja muha, komaraca, i drugih insekata.

Pod pojmom sistemske deratizacije podrazumijeva se postavljanje odgovarajućih mamaca za uništavanje štakora i drugih glodavaca te prikupljanje i odstranjivanje uginulih životinja.

Član 110.

Obim, način, vrijeme i ostali uslovi obavljanja obavezne sistematske dezinfekcije i deratizacije utvrđuju se Naredbom Općinskog načelnika o provođenju sistematske dezinfekcije i deratizacije.

Pravna ili fizička lica kojima su povjereni poslovi dezinfekcije i deratizacije dužna su prije početka izvođenja sistematske dezinfekcije i deratizacije obavijestiti građane o početku i završetku izvođenja tih radova.

VII UKLANJANJE PROTUPRAVNO POSTAVLJENIH PREDMETA**Član 111.**

Sve stvari postavljene protivno članu 24. stav 2. moraju se ukloniti.

Rješenje o uklanjanju s rokom uklanjanja donosi komunalni inspektor. Ako korisnik protupravno postavljenog predmeta sam ne ukloni predmet, uklonit će ga Javno preduzeće o trošku korisnika, uključujući i troškove premještanja i skladištenja (čuvanja).

Uklonjene predmete vlasnici su dužni preuzeti u roku od 30 dana, uz podmirenje nastalih troškova, u protivnom se predmeti prodaju na licitaciji ili neposrednom pogodbom radi podmirenja troškova.

Član 112.

Napušteno vozilo kao i vozila bez registarskih oznaka, ostavljena na javnim površinama duže od 7 dana uklonit će se o trošku vlasnika.

Akontaciju troškova snosi Općina Breza iz budžeta.

Vlasnik vozila dužan je preuzeti svoje vozilo u roku od 30 dana, od dana uklanjanja uz podmirenje nastalih troškova.

U protivnom, vozilo se prodaje na licitaciji ili neposrednom pogodbom radi podmirenja nastalih troškova premještanja i skladištenja (čuvanja) i troškova prodaje, a ako su troškovi veći od postignute cijene prodanog vozila, razliku troškova nadoknađuje vlasnik vozila.

VIII MJERE ZA PROVOĐENJE KOMUNALNOG REDA**Član 113.**

Nadzor nad provođenjem komunalnog reda propisanog ovom odlukom obavlja Općinska služba nadležna za inspeksijske poslove, putem komunalnog inspektora i komunalno-ekološki kontrolor.

Poslove komunalne inspekcije obavlja komunalni inspektor, a poslove komunalno ekološke kontrole obavlja komunalno-ekološki kontrolor.

Komunalno-ekološki kontrolor pri obavljanju poslova mora imati posebnu odjeću, posebnu oznaku za odjeću i posebnu službenu iskaznicu. Službenu iskaznicu komunalno-ekološkom kontroloru izdaje Općinski načelnik.

Općinski načelnik donosi poseban pravilnik o obliku, sadržaju i načinu izdavanja iskaznica, odjeće i oznaka na odjeći komunalno-ekološkog kontrolora.

Član 114.

U obavljanju nadzora nad provođenjem komunalnog reda komunalni inspektor i komunalno-ekološki kontrolor dužan je saradivati s Mjesnim zajednicama radi efikasnijeg obavljanja svoje službe.

Član 115.

U obavljanju nadzora komunalni inspektor ovlašten je:

1. nadzirati primjenu ove Odluke,
2. narediti obavljanje radova ako pregledom utvrdi da se oni ne obavljaju u skladu sa odredbama ove Odluke, ili da se ne obavljaju potpuno ili pravilno,
3. zabraniti obavljanje radova koji se izvode bez odobrenja nadležnog organa ili suprotno odobrenju, odnosno suprotno odredbama ove Odluke,
4. zabraniti upotrebu neispravnog komunalnog objekta, uređaja ili naprave dok se ne otklone nedostaci,
5. odrediti uklanjanje predmeta, objekata i uređaja koji su postavljeni bez odobrenja, suprotno odobrenju, odnosno suprotno odredbama komunalnog reda,
6. za pokretanje prekršajnog postupka,
7. poduzimati i druge radnje i mjere za koje je ovlašten.

Komunalni inspektor ovlašten je donositi pismene i usmene naloge u vidu rješenja za provedbu gore navedenih radnji.

Član 115.b

U vršenju komunalnog nadzora komunalno-ekološki kontrolor dužan je i ovlašten da:

- upozorava pravna i fizička lica na ponašanje u skladu sa ovom Odlukom i propisima donesenim na osnovu ove Odluke,
- obavještava komunalnog inspektora o slučajevima neizvršavanja odredaba ove Odluke putem sačinjavanja službenih zabilješki, fotografisanjem ili prikupljanjem drugih materijalnih dokaza a u cilju donošenja odgovarajućih rješenja odnosno izdavanje prekršajnih naloga ili pokretanja prekršajnog postupka,
- pomaže komunalnom inspektoru u obavljanju njegovih poslova,
- obavlja i druge poslove po nalogu pomoćnika načelnika.

Član 116.

Komunalni inspektor i komunalno-ekološki kontrolor u obavljanju poslova iz svoje nadležnosti dužan je pridržavati se zakona, ove Odluke i drugih propisa.

Komunalni inspektor i komunalno-ekološki kontrolor obavlja poslove nadzora samostalno, postupa i donosi akte u okviru dužnosti i ovlaštenja određenih ovom Odlukom i

drugim propisima.

Poduzimanje mjera za provođenje komunalnog reda smatra se hitnim i od javnog interesa za Općinu Breza.

Član 117.

Ako prekršilac ne postupi po rješenju komunalnog inspektora, naređenu radnju (uklanjanje, čišćenje, popravljavanje, zamjena i drugo), obaviti će ovlašteno lice o trošku prekršioca.

Član 118.

Fizičke i pravne osobe dužne su komunalnom inspektor i komunalno-ekološki kontrolor omogućiti nesmetano obavljanje nadzora, a posebno pristup do prostorija objekata i uređaja koji su predmet nadzora, dati lične podatke, kao i pružati druga potrebna obavještenja.

Član 119.

Ako komunalni inspektor i komunalno-ekološki kontrolor u svome radu naiđe na otpor, može zatražiti asistenciju od Policijske stanice Breza.

IX NAKNADA ŠTETE

Član 120.

Svu štetu učinjenu na javnoj površini prekršilac je dužan nadoknaditi.

Ukoliko prekršilac ne plati naknadu za učinjenu štetu, provest će se odgovarajući sudski postupak.

Član 121.

Naknada štete može biti stvarna (prema procjeni ovlaštenog procjenitelja) i paušalna.

Član 122.

Paušalna naknada štete naplaćuje se u slučajevima neznatne ili manje štete ili ako se šteta ne bi mogla sa sigurnošću utvrditi, a vrijednost štete ne premašuje 300,00 KM.

Član 123.

Stvarna šteta naplaćuje se uvijek ako nastala šteta premašuje iznos od 300,00 KM i ako je za uklanjanje nastale štete bilo potrebno angažovati treću osobu.

Član 124.

U postupku uklanjanja bespravno postavljenih predmeta sa javne površine pored stvarnih troškova nastale štete naplaćuje se i paušalni iznos premiještanja i čuvanja stvari i predmeta, i to:

- 100,00 KM za premiještanje,
- 30,00 KM po m² zauzete površine, za uskladištene stvari i predmete, dnevno.

X KAZNENE ODREDBE

Član 125.

Novčanom kaznom od 500,00 do 7.000,00 KM kaznit će se za prekršaj pravna osoba, a fizička osoba koja obavlja samostalnu djelatnost kaznit će se novčanom kaznom od 20,00 KM do 1.000,00 KM:

1. ako natpis korisnika poslovnih prostorija drže u neurednom stanju (čl. 6. stav 1.),
2. ako ne ukloni natpis u roku od 15 dana od dana prestanka obavljanja djelatnosti, odnosno iseljenja iz zgrade (čl. 6. stav 2.),
3. ako ne postupi po odredbi člana 6. stav 3.,
4. ako postave ogradu uz javnu površinu protivno članu 7. stav 1.,

5. ako ne održavaju redovito vanjsku ogradu zgrade uz javne površine (čl. 7. stav 2.),
6. ako vrtove, voćnjake i sl. površine ispred zgrada neuredno održavaju (čl. 8.),
7. ako na javnoj površini neovlašteno postavljaju reklame, reklamne ploče, izloge, jarbole, transparente i slično (čl. 9.),
8. ako postavljaju plakate, oglase i slične objave izvan određenih mjesta i ako ih ne uklone u određenom roku (čl. 10. i čl. 14. stav 2.),
9. ako ne održavaju u čistom i urednom stanju reklame, natpise, reklamne ploče i drugo (čl. 11.),
10. ako ne poprave, odnosno ne uklone neispravne reklame u roku od 8 dana od nastanka kvara (čl. 12.),
11. ako ne održavaju u urednom i ispravnom stanju povjerene rekreacijske javne površine, sportska i dječja igrališta i druge javne sportske objekte (čl. 15.),
12. ako neovlašteno upotrebljava hidrante za vlastite potrebe (čl. 19. stav 2.),
13. ako ne održavaju povjerene javne zahode u urednom i ispravnom stanju i ne pridržavaju se utvrđenog radnog vremena (čl.20),
14. ako stajalište gradskog saobraćaja ne održavaju u urednom i ispravnom stanju (član 25. stav 3.),
15. ako na stajalište gradskog prometa ne postavljaju korpe za smeće. (čl. 25. stav 2.),
16. ako izlaže ili prodaje proizvode izvan pijačnog prostora (čl. 29. stav 1.),
17. ako bez odobrenja koristi javnu površinu ili neizgrađeno građevinsko zemljište za potrebe istovara, smještaja i utovara građevinskog materijala, ostavljanje skela, postavljanje dizalica, popravke vanjskih dijelova zgrade i slične radove koji služe građevinskoj svrsi (čl. 30. i ako ne zaštiti debela stabla (čl. 31. stav 2.),
18. ako ne uklone istovarenu robu odmah sa javne saobraćajne površine (čl. 34. stav 8.),
19. ako odlaže zemlju i otpadni građevinski materijal izvan odlagališta predviđenog za tu svrhu (čl. 37.),
20. ako neovlašteno prekopava javnu saobraćajnu površinu, odnosno ne dovede istu u prvobitno stanje (član 38.),
21. ako ne očiste i ne uredne javnu površinu oko objekta gdje obavljaju djelatnost (čl. 40.),
22. ako ne postavi i ne održava korpe za otpatke ispred poslovnog objekta (čl. 41. stav 2.),
23. ako postavi korpe za otpadke na saobraćajne znakove, drveće ili druga mjesta gdje nagrđuje izgled naselja, objekta ili ometa saobraćaj (čl. 42. stav 3.),
24. ako postupi protivno pojedinačnim zabranama iz člana 43.,
25. ako postupi protivno članu 45.,
26. ako prevozom materijala vlastitim vozilima onečišćuje javnu saobraćajnu površinu (čl. 46),
27. ako ne poduzimaju mjere sprečavanja onečišćavanja javnih površina, određene odredbom člana 47.,
28. ako odmah ne ukloni pokošenu travu, lišće ili druge otpatke s javne površine (čl. 49. stav 2.),
29. ako ne održava povjerenu, odnosno vlastitu zelenu površinu u urednom stanju i ne brine se za njezinu zaštitu i obnovu (čl. 50.i 52.),

30. ako ne održava uredno posudu s ukrasnim biljem ili je postavi bez odobrenja (čl. 55.),
31. ako postupa protivno pojedinačnim zabranama iz čl. 57., 58. i 59,
32. ako odlaže kućno smeće u oštećene vreće ili odlaže žar i vrući pepeo, tekućine i uginule životinje i drugo, (čl. 71.),
33. ako ne nabavi odgovarajuću posudu za smeće (čl. 76. stav 1. i 2.),
34. ako postupa suprotno članu 76. stav 4.,
35. ako samovoljno postavlja posude za smeće (čl. 77.),
36. ako oštećuje posude za smeće (čl. 78. stav 3.),
37. ako onemogućavaju pristup sabirnih vozila (cl. 78. stav 5.),
38. ako ne postupaju po odredbi čl. 79.,
39. ako odlažu glomazni otpad na mjesta koja nisu za to određena (čl. 84. stav 2.),
40. ako stavljaju glomazni otpad u posude ili spremnike za kućno smeće (čl. 85.),
41. ako ne postupaju po odredbi čl. 86.,
42. ako postupa suprotno članu 89, 90, 91, 92 i 93.,
43. ako ne uklone snijeg i led s javne površine ispred svoga poslovnog prostora ili prostora na kojem obavljaju djelatnost (čl. 97.),
44. ako ne uklone materijal za posipanje u roku od 8 dana po otapanju snijega i leda (čl. 99.),
45. ako izlijevaju fekalije izvan određenih mjesta (čl. 103.),
46. ako izgradi farmu protivno čl. 107 stav 2.,
47. ako ne postupe po odredbi člana 111. stav 3.,

Novčanom kaznom od 50,00 KM do 2.000,00 KM kaznit će se odgovorna osoba pravne osobe, koja učini prekršaj iz prethodnog stava.

Novčanom kaznom od 20,00 KM do 1.000,00 KM kaznit će se za prekršaj građanin:

1. ako ne održava u urednom i čistom stanju vanjske dijelove zgrade, (čl. 4.,
2. ako postupa protivno članu 5. stav 1. i 2.,;
3. ako postavi vanjsku ogradu protivno članu. 7. stav 1.,
4. ako neredovno održava vanjsku ogradu objekta u svome vlasništvu uz javnu površinu (čl. 7. stav 2.),
5. ako vrtove, voćnjake i slične površine ispred zgrada u svome vlasništvu neuredno održavaju (čl. 8.),
6. ako postavljaju oglase i slične objave izvan određenih mjesta (čl.10. stav 1. i čl. 14.),
7. ako oštećuju, prljaju ili uništavaju postavljene objekte i uređaje na javnim površinama (čl. 14. i čl. 23.),
8. ako uništavaju, oštećuju ili se neovlašteno koriste hidrantima (čl. 19. stav 2.),
9. ako prodaje ili izlaže proizvode izvan prostora tržnice (čl. 29. stav 1.),
10. ako se bez odobrenja koristi javnom površinom za istovar, smještaj i utovar građevinskog materijala (čl. 30. i 31. stav 2.) ili cijepa, drva i ugljen na javnim saobraćajnim površinama ili ih odmah ne ukloni i ne očisti upotrijebljenu površinu (čl. 34.),
11. ako odlaže zemlju i otpadni građevinski materijal izvan deponija (čl.37. stav 1.),
12. ako neovlašteno prekopava javnu saobraćajnu površinu odnosno ne dovede istu u prvobitno stanje (član 38.),

13. ako postupi protivno zabrani iz člana 43.,
14. ako onečišćuje, crta ili štampa na javnoj saobraćajnoj površini (čl. 45.) ili vozilom onečišćuje javnu saobraćajnu površinu. (čl. 46.i 47.),
15. ako ne održava u urednom stanju stable, ukrasne živice I drugo zelenilo iz privatnih posjeda uz saobraćajnice (čl.54.),
16. ako postupa protivno pojedinačnim zabranama iz člana 57. 58. i 59.,
17. ako odlaže kućno smeće u oštećene vreće ili odlaže žar i vrući pepeo, tekućinu i uginule životinje i drugo (član 71. stav.3.i 4.),
18. ako samoinicijativno premiješta posude za smeće (član 77.stav 2.),
19. ako rasipa smeće i prlja prostor oko posude za smeće, ne usitni ambalažni otpad ili oštećuje posudu za smeće ili onemogućava pristup sabirnim vozilima (čl. 78.),
20. ako prebire i prekopava ili odnosi smeće iz vreće, posuda ili spremnika za smeće (čl. 82.),
21. ako odlaže glomazni otpad na mjesta koja nisu za to određena (čl. 84.stav 2.),
22. ako stavlja glomazni otpad u posude ili spremnike za kućno smeće (čl. 85.),
23. ako postupa protivno odredbi člana 93.,
24. ako ne ukloni snijeg i led sa površine uz zgradu (član 97.),
25. ako drži stoku i perad bez odobrenja na zabranjenom području (čl. 106. i 107.stav. 1.) ili pušta životinje po javnim saobraćajnim površinama u naseljima izvan područja zabrane (čl. 106.),
26. ako drži domaće životinje i objekte za držanje domaćih životinja i peradi protivno članu 107.

Član 126.

Roditelji i staratelji maloljetnika koji je počinio prekršaje sankcionirane čl. 125. ove Odluke kaznit će se novčanom kaznom predviđenom u navedenom članu.

Član 127.

Kada komunalni inspektor utvrdi da Javno preduzeće kao ovlaštenu isporučilac komunalne usluge postupa protivno odgovarajućim odredbama ove Odluke pokrenut će prekršajni postupak.

Ukoliko se prekršaji ponove u kraćem razdoblju, komunalni inspektor obavijestit će Općinskog načelnika koji je nadležan za povjeravanje pojedinih komunalnih djelatnosti, radi poduzimanja odgovarajućih mjera u cilju daljnjeg prava obavljanja povjerenih poslova.

XI ZAVRŠNE ODREDBE

Član 128.

Stupanjem na snagu ove Odluke prestaje da važi Odluka o komunalnom redu ("Službeni glasnik Općine Breza", broj 03/10), Odluka o izmjenama i dopunama odluke o komunalnom redu ("Službeni glasnik Općine Breza", broj 07/13)

Prečišćeni tekst ove Odluke obuhvata Odluku o komunalnom redu ("Službeni glasnik Općine Breza", broj 03/10), Odluku o izmjenama i dopunama odluke o komunalnom redu ("Službeni glasnik Općine Breza", broj 07/13)

Član 129.

Ova Odluka stupa na snagu danom objavljivanja u "Službenom glasniku Općine Breza".

Broj:01/1-2-2930/14

Breza,18.12.2014. godine

PREDSJEDNIK KOMISIJE

ZA STATUT I PROPISE

Mamela-Herco Mersiha,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 12. stav 3. Zakona o komunalnim djelatnostima („Službeni list SRBiH“, broj 20/90), člana 27. i člana 49. Statuta Općine Breza („Službeni glasnik Općine Breza“; broj 1/99, 4/99 i 7/99) i člana 126. Poslovnika o radu Općinskog vijeća („Službeni glasnik Općine Breza“ broj 3/11- prečišćeni tekst), Komisija za Statut i propise Općinskog vijeća Breza, na sjednici održanoj 18.12.2014 godine, utvrđuje:

O D L U K U
o načinu obrazovanja cijena komunalnih proizvoda
i usluga individualne potrošnje
(prečišćeni tekst)

Član 1.

Ovom Odlukom propisuje se način obrazovanja cijena komunalnih proizvoda i usluga komunalne potrošnje i utvrđuje jedinica mjere kojom se izražavaju cijene.

Član 2.

Kao komunalni proizvodi i usluge individualne komunalne potrošnje u smislu ove odluke, smatraju se:

1. proizvodnja i distribucija vode
2. prečišćavanje i odvođenje otpadnih voda,
3. odvođenje i deponovanje odpadaka iz grada
4. proizvodnja i distribucija toplote

Član 3.

Cijenom komunalnih proizvoda i usluga individualne komunalne potrošnje iz člana 2. ove odluke obezbjeđuju se sredstva za pokriće ukupnih rashoda davaoca komunalne usluge i unapređenje postojećih komunalnih objekata i uređaja prema obimu, dinamici i kvalitetu usluge i to na osnovu sljedećih elemenata:

- materijalnih i ostalih troškova i usluga,
- troškova tekućeg i investicionog održavanja,
- amortizacije sa valorizacijom,
- zakonskih, ugovorenih i ostalih obaveza iz ostvarenih prihoda
- otplate kredita sa revalorizovanom glavnicom i kamate po kreditima,
- dijela sredstava koji je dovoljan da obezbjedi prosječna nivo plaća radnika,
- dijela sredstava za neophodan dio akumulacije za otplatu dijela glavnice po kreditima i za udruživanje po osnovu zakonskih propisa zaključenih ugovora,
- dijela sredstava za rekonstrukciju i modernizaciju postojećih kapaciteta.

1. Materijali i ostali troškovi

1.1. Troškovi sirovina i repromaterijala

Troškovi sirovina i repromaterijala formiraju se na osnovu normativa i jediničnih cijena u baznom mjesecu, na što se primjenjuje prosječna stopa rasta cijena industrijskih proizvoda koja se objavljuje u biltenima Federalnog zavoda za statistiku, iz predhodnog vremenskog perioda.

1.2. Nafta, naftni derivati i gas

Troškovi nafte, naftnih derivata i gasa utvrđuje se na osnovu normativa i utroška i cijena koje su na snazi u baznom mjesecu i planirane dinamike rasta cijena u periodu za koji se utvrđuju cijene, prema podacima nadležnih institucija.

1.3. Električna energija i ostali energenti

Troškovi električne energije formiraju se na osnovu normativa utroška za postojeće tehnološke sisteme, cijene električne energije u baznom mjesecu i planirane dinamike rasta cijena električne energije u periodu, za koji se utvrđuje cijena. Troškovi uglja i drugih energenata formiraju se za bazni mjesec po istoj metodologiji kao i za električnu energiju s tim, da se podaci o planskom pomjeranju cijena ovih energenata u periodu za koji se utvrđuje cijena pribavi od za to nadležnih institucija.

1.4. Ostali troškovi usluga

Visina ostalih troškova i usluga formira se na osnovu ostvarenih troškova u predhodnom periodu i procjene kretanja ovih troškova za period za koji se utvrđuje cijena na bazi koeficijenta rasta cijena iz predhodnog perioda.

2. Investiciono i tekuće održavanje

Troškovi investicionog održavanja ovise od stanja opreme i pojedinačnih uređaja koji može biti:

- normalno stanje za koje su troškovi investicionog održavanja do 50% od obračunate amortizacije,
- na granici zadovoljavajućeg stanja za koje su troškovi investicionog održavanja do 60% obračunate amortizacije i
- nezadovoljavajuće (slabo) stanje za koje su troškovi investicionog održavanja do 70% obračunate amortizacije.
- Troškovi tekućeg održavanja, u koliko se vrši u vlastitoj režiji, uvršteni su sa ostalim troškovima i formiraju se na osnovu normativa održavanja stvarnih cijena u baznom mjesecu sa planiranim rastom cijena svih pojedinih troškovnih elemenata, plaća i drugih izdataka koji čine cijene ovih usluga utvrđenih na osnovu kriterija iz ove metodologije.

Ako se tekuće održavanje vrši preko trećih lica visina ovih troškova utvrđuje se na osnovu programa ovih troškova i ponude ili ugovora sa izvršiocima ovih usluga.

3. Amortizacija sa revalorizacijom

Troškovi amortizacije utvrđuju se na bazi važećih stopa primjenjenih na nabavnu vrijednost stalnih sredstava i koeficijenata obračuna revalorizacije amortizacije u pojedinim obračunskim periodima.

4. Zakonske, ugovorene i ostale propisane obaveze

Zakonske, ugovorene i ostale obaveze utvrđuju se na bazi planiranih prihoda uz primjenu zakonskih propisa o njihovom oporezivaju.

5. Otplata kredita

Troškovi kamata na kredite za stalna sredstva utvrđuje se u zavisnosti od ugovorene kamate po ugovorima o kreditima za kredite iz domaćih izvora.

Troškovi kamata za ino kredite za stalna sredstva utvrđuje se na bazi ugovorene kamate

u deviznom iznosu uz primjenu kursa na dan otplate kredita.
Troškovi glavnice za kredita obezbjeđuju se iz amortizacije.

6. Dio sredstava za plaće i druga fizička primanja radnika

Plaće i druga lična primanja utvrđuju se na osnovu zakona o plaćama , pravilnika o plaćama, a u skladu sa kolektivnim ugovorom.

7. Sredstva akumulacije

Sredstva akumulacije za koje komunalno preduzeće ima obavezu udruživanja na osnovu zakona i zaključenih ugovora utvrđuje se u stvarnom iznosu za period u kojem se utvrđuje cijena.

8. Rekonstrukcija i modernizacija postojećih kapaciteta

U cijenama komunalnih usluga za koje treba da obezbjedi prostu reprodukciju, sadržana su i sredstva za nužnu rekonstrukciju i modernizaciju postojećih kapaciteta koja se na bazi, od Općinskog vijeća Breza prihvaćenih programa obezbjeđuju kao poseban dio sredstava kroz programom utvrđeni period.

Član 4.

Cijene komunalnih proizvoda i usluga koje se obrazuju na osnovu utvrđenih elemenata izražavaju se na sljedeći način:

1. Cijena proizvodnje i distribucije vode utvrđuje se jedinstveno ili diferencirano za pojedine sektore (individualni i društveni) korisnike usluga, tako što se dijele ukupni troškovi sa ukupnom količinom vode koja se planira isporučiti korisnicima u periodu za koji se utvrđuje cijena, a izražava se u konvertibilnim markama po metru kubnom (KM/m^3)
2. Cijena odvođenja i pročišćavanja otpadnih voda utvrđuje se jedinstveno ili diferencirano za pojedine sektore korisnika usluga, tako što se dijele ukupni troškovi sa ukupnom količinom otpadnih voda (utvrđuje se prema planiranoj količini korištenja voda) u periodu za koji se utvrđuje cijena, a izražava se u konvertibilnim markama po metru kubnom (KM/m^3)
3. Cijena sakupljanja odvoženja i deponovanja odpadaka utvrđuje se jedinstveno ili diferencirano prema vrsti ili namjeni prostorija prema kojoj se odnos ove usluge, a izražava se po konvertibilnim markama po metru kvadratnom (KM/m^2)
4. Cijena proizvodnje i distribucije toplote energije (grijanje i sanitarna voda), utvrđuje se posebno za sezonu grijanja i za ljetnu sezonu i diferencirano prema vrsti i namjeni prostora, a izražava se u konvertibilnim markama (KM) po metru kvadratnom (m^2) neto površine prostora koji se zagrijava, odnosno po količini isporučene toplotne energije, u mega vat časovima ($KM/MGWh$) ukoliko je sistem osposobljen za pojedinačno mjerenje isporučene toplotne energije.

Ukoliko je visina prostorija iznad 3 m ova cijena se uvećava najmanje za 30%.

Član 5.

Cijenu komunalnih proizvoda i usluga individualne komunalne potrošnje utvrđuje davalac komunalne usluge u skladu sa elementima i jedinicom mjere iz člana 3. i 4. ove odluke.

Član 6.

Pojedine elemente koji čine cijenu jedinice mjere komunalnog proizvoda ili usluge neophodno je izraziti i procentualno, a u cilju lakše kontrole namjenskog tošenja sredstava.

Član 7.

Donošenje Odluke o cijeni komunalnih proizvoda i usluga individualne komunalne potrošnje vrši Skupština preduzeća, uz prethodnu saglasnost Općinskog vijeća.

Član 8.

Potrošnja vode mjeri se vodomjerom.

Pitanja oko ugradnje, održavanja i eventualne zamjene vodomjera bit će regulisana odredbama Općinskog akta preduzeća.

Potrošači koji nemaju vodomjer ili kod kojih je vodomjer tehnički neispravan, utrošak vode će se obračunati paušalno u određenoj količini mjesečno, za pojedine kategorije potrošača, koju će davalac komunalne usluge zajedno sa cijenama komunalnih proizvoda i usluga predložiti komunalnom vijeću na usvajanje.

Zajedno sa cijenom komunalnih proizvoda i usluga utvrdit će se i naknada za održavanje vodomjernog mjesta, sa strukturom pojedinih elemenata koji ulaze u njenu vrijednost.

Član 9.

Cijena priključka novih potrošača komunalnih proizvoda i usluga utvrđivat će se na osnovu utrošenog repro materijala i vremena potrebnog za izvođenje potrebnih radova na priključenju.

Član 10.

Cijene komunalnih proizvoda i usluga individualne komunalne potrošnje donosit će se godišnje, a najkasnije do 31. januara tekuće godine, a po potrebi i ranije.

Član 11.

Stupanjem na snagu ove odluke prestaje da važi Odluka o načinu obrazovanja cijena komunalnih proizvoda i usluga individualne potrošnje („Službeni glasnik Općine Breza“, broj 08/02), Odluka o dopuni odluke o načinu obrazovanja cijena komunalnih proizvoda i usluga individualne potrošnje („Službeni glasnik Općine Breza“, broj 01/03) i Odluka o izmjeni odluke o načinu obrazovanja cijena komunalnih proizvoda i usluga individualne potrošnje („Službeni glasnik Općine Breza“, broj 02/07).

Prečišćeni tekst ove Odluke obuhvata Odluku o načinu obrazovanja cijena komunalnih proizvoda i usluga individualne potrošnje („Službeni glasnik Općine Breza“, broj 08/02), Odluku o dopuni odluke o načinu obrazovanja cijena komunalnih proizvoda i usluga individualne potrošnje („Službeni glasnik Općine Breza“, broj 01/03) i Odluku o izmjeni odluke o načinu obrazovanja cijena komunalnih proizvoda i usluga individualne potrošnje („Službeni glasnik Općine Breza“, broj 02/07).

Član 12.

Ova odluka stupa na snagu danom objavljivanja u „Službenom glasniku Općine Breza“

Broj:01/1-2-2930/14
Breza,18.12.2014 godine

PREDSJEDNIK KOMISIJE
ZA STATUT I PROPIS
Mamela-Herco Mersiha,s.r.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 1. tačka c. Zakona o pripadnosti javnih prihoda u Federaciji BiH ("Službene novine FBiH", broj 22/06), člana 36. i 37. Zakona o principima lokalne samouprave u Federaciji Bosne i Hercegovine ("Službene novine FBiH", broj 49/06) i člana 49. stav 1. Statuta Općine Breza ("Službeni glasnik Općine Breza", broj 1/99, 4/99 i 7/99), člana 126. Poslovnika o radu Općinskog vijeća ("Službeni glasnik Općine Breza" broj 3/11-prečišćeni tekst), Komisija za Statut i propise Općinskog vijeća Breza, na sjednici održanoj 18.12.2014. godine, utvrđuje:

ODLUKU

o općinskim administrativnim taksama (prečišćeni tekst)

I – OPĆE ODREDBE

Član 1.

Za spise i radnje u upravnim stvarima kao i za druge predmete i radnje kod organa i drugih pravnih lica kojima je povjereno da rješavaju u upravnim stvarima u određenim pravima i obavezama plaćaju se administrativne takse, ako ovom Odlukom nije drugačije određeno.

Član 2.

Spisi i radnje za koje se plaća taksa, kao i visina takse utvrđuju se taksenom tarifom koja je sastavni dio ove Odluke. Taksa se ne može naplatiti ako taksenom tarifom nije propisana.

Član 3.

Općinske administrativne takse predviđene ovom Odlukom plaćaju se u gotovom novcu ili putem taksenih maraka u Centru za pružanje usluga građanima Općine Breza.

Izuzetno od prethodnog stava taksa u iznosu većem od 10,00 KM plaćaju se uplatom na žiro račun Općine Breza.

Član 4.

Takseni obveznik je lice po čijem zahtjevu se pokreće postupak, odnosno obavlja radnja propisana ovom Odlukom.

Ako za istu taksu postoje dva ili više obveznika njihova obaveza je solidarna.

Član 5.

Taksena obaveza nastaje:

1. za podnesak kada se predaje, a za podnesak na zapisnik kada je zapisnik sastavljen,
2. za rješenje i druge isprave u trenutku podnošenja zahtjeva za njihovo izdavanje,
3. za pravne radnje podnošenjem zahtjeva za vršenje tih radnji.

Član 6.

Taksa se plaća u trenutku nastanka taksene obaveze, ako za pojedine slučajeve nije drugačije propisano.

Član 7.

Ako je taksenom tarifom propisano da se taksa plaća prema vrijednosti predmeta, kao osnovica za obračunavanje takse uzima se vrijednost naznačena u podnesku ili ispravi ili vrijednost utvrđena procjenom organa koji vodi postupak.

Član 8.

Kada se zahtjev za izdavanje rješenja o utvrđivanju uslova za obavljanje registrovane djelatnosti privrednog društva odnosi na više djelatnosti, taksa se plaća prema onoj djelatnosti za koju je utvrđen najveći iznos.

Član 9.

Kada se isprava za koju se plaća taksa po zahtjevu stranke izdaje u dva i više primjeraka za drugi i svaki slijedeći primjerak plaća se taksa kao i za prijepis i za ovjeru prijepisa.

Taksa iz stava 1. ovog člana ne može biti veća od takse za prvi primjerak.

Član 10.

Ako stranka neposredno ili poštom podnese podnesak za koji taksa nije plaćena ili je nedovoljno plaćena, organ nadležan za odlučivanje po podnesku, pozvat će taksenog obveznika opomenom, da u roku od 15 dana od dana prijema opomene plati taksu.

Ukoliko stranka ne plati taksu po opomeni nadležni organ provest će i okončati postupak po podnesku iz stava 1. ovog člana, ali rješenje ili drugi akt ne može biti uručen stranci prije nego što se plati redovna taksa.

Član 11.

Spisi i radnje u postupcima koji se vode po službenoj dužnosti ne podliježu plaćanju takse.

II – OSLOBAĐANJE OD PLAĆANJA TAKSE

Član 12.

Od plaćanje administrativne takse oslobođeni su:

- državni organi i javne ustanove,
- humanitarne i dobrotvorne organizacije,
- organizacije i savezi osnovani za zaštitu lica sa fizičkim i prihičkim nedostacima i poremećajima za spise i radnje u vezi sa vršenjem djelatnosti,
- građani slabog imovinskog stanja,
- dobitnici ratnih priznanja i odlikovanja, ratni vojni invalidi, invalidi sa procentom invalidnosti iznad 60%, članovi porodice šehida, poginulog, umrlog, nestalog branioca, član uže porodice poginulog, umrlog ili nestalog dobitnika ratnog priznanja ili odlikovanja i nezaposleni demobilizirani branilac,
- građani koji se privremeno nalaze van radnog odnosa u postupku za ostvarivanje materijalnog osiguranja i drugih prava koja im po tom osnovu pripadaju,
- građani koji se privremeno nalaze van radnog odnosa za spise i radnje vezane za zasnivanje radnog odnosa,
- Ratni vojni invalidi, demobilizirani branioci, članovi porodice šehida, poginulih, umrlih, nestalih branioca, djeca ratnih vojnih invalida i demobiliziranih branioca, u postupku pribavljanja dokumentacije u cilju stipendiranja i pomoći u školovanju.
- Građani u postupku pribavljanja dokumentacije u cilju ostvarivanja prava na redovno školovanje, stipendiranje i pomoći u školovanju.

Građani slabog imovinskog stanja u smislu stava 1. tačka 4. ovog člana su lica koja se nalaze u stanju socijalne potrebe, evidentirana u Centru za socijalni rad.

Pojmovi: „dobitnik ratnog priznanja ili odlikovanja“, „ratni vojni invalid“, „član porodice šehida, poginulog, umrlog, nestalog branioca“; „član uže porodice poginulog, umrlog ili nestalog dobitnika ratnog priznanja ili odlikovanja“; „demobilizirani branilac“; „dijete demobiliziranog branioca“; „dijete ratnog vojnog invalida“ upotrijebljeni su u skladu sa odredbama Zakona o dopunskim pravima branilaca i članova njihovih porodica („Službene novine Zeničko-dobojskog kantona“, broj 6/06 i 9/07).

U postupku ostvarivanja prava po ovoj Odluci, branioci i članovi njihovih porodica svoj status dokazuju rješenjem nadležnog organa uprave o priznavanju statusa dobitnika ratnog priznanja, ratnog vojnog invalida, člana porodice šehida, poginulog, umrlog, nestalog branioca i člana uže porodice poginulog, umrlog ili nestalog dobitnika ratnog priznanja ili odlikovanja, odnosno uvjerenjem nadležnog organa.

Član 13.

Kada je postupak pokrenut od strane više lica od kojih su neka oslobođena od plaćanja takse, taksu u tom postupku plaća samo građanin koji nije oslobođen od plaćanja takse.

Član 14.

Od takse su oslobođeni slijedeći spisi i radnje:

- u postupku za povrat nepravilno naplaćenih dažbina,
- u postupku za upis u knjigu državljana,
- prijave i upis u matične knjige,
- u postupku za ispravku grešaka u rješenjima, drugim ispravama i evidencijama,
- za ostvarivanje prava iz zdravstvenog, penzionog ili invalidskog osiguranja, socijalne i dječije zaštite,
- u postupku za ostvarivanje prava boraca i ratnih vojnih invalida i rješavanje statusa izbjeglih i raseljenih lica,
- zahtjevi upućeni organima za predstavke i žalbe,
- u postupku za ostvarivanje radnog i penzijskog staža,
- radnje u postupku u vezi sa zaštitom spomenika kulture,
- u postupku za sahranu umrlih lica,
- u vezi ostvarivanja prava iz radnog odnosa
- u postupku stavljanja pod starateljstvo maloljetne djece i punoljetnih lica lišenih poslovne sposobnosti.

Član 15.

U ispravama koje su oslobođene od plaćanja takse moraju se označiti u kome cilju se izdaju i na osnovu kojeg su propisa oslobođene od plaćanja takse.

III – PRISILNA NAPLATA, POVRAT TAKSE I NADZOR NAPLATE

Član 16.

Prisilna naplata takse se vrši po propisima o prisilnoj naplati poreza građana, odnosno po propisima o prisilnoj naplati poreza od pravnih lica.

Član 17.

Lice koje je platilo taksu, a koje nije bilo dužno da plati, ili je platilo taksu u iznosu većem od propisane, kao i lice koje je platilo taksu, a radnja za koju je platilo taksu iz bilo kojih razloga nije izvršena ima pravo na povrat takse.

Postupak za povrat takse pokreće se po zahtjevu stranke.

Rješenje o povratu takse donosi organ kome je taksa plaćena.

Povrat takse se vrši na teret prihoda budžeta Općine Breza.

Član 18.

Pravo na naplatu takse zastarjeva u roku od jedne godine računajući od dana kada je taksu trebalo platiti, a pravo na povrat takse zastarjeva za jednu godinu od dana kada je taksa plaćena.

Član 19.

Nadzor nad primjenom odredbi ove Odluke vrši Služba za privredu, finansije i opću

upravu Općine Breza.

Unutrašnju kontrolu primjene Odluke o administrativnim taksama vrši svaka služba u obavljanju svojih djelatnosti.

IV – PRELAZNE I ZAVRŠNE ODREDBE

Član 20.

Stupanjem na snagu ove Odluke prestaje da važi Odluka o opštinskim administrativnim taksama („Službeni glasnik Općine Breza”, broj 2/07), Odluka o izmjenama i dopunama Odluke o opštinskim administrativnim taksama („Službeni glasnik Općine Breza”, broj 8/07) i Odluka o dopuni Odluke o opštinskim administrativnim taksama („Službeni glasnik Općine Breza”, broj 7/09).

Prečišćeni tekst ove Odluke obuhvata Odluku o opštinskim administrativnim taksama („Službeni glasnik Općine Breza”, broj 2/07), Odluku o izmjenama i dopunama Odluke o opštinskim administrativnim taksama („Službeni glasnik Općine Breza”, broj 8/07) i Odluku o dopuni Odluke o opštinskim administrativnim taksama („Službeni glasnik Općine Breza”, broj 7/09).

Član 21.

Ova Odluka stupa na snagu danom objavljivanja u “Službenom glasniku Općine Breza”.

Broj:01/1-02-2930/14
Breza, 18.12.2014 godine

PREDSJEDNIK KOMISIJE
ZA STATUT I PROPISE
Mamela-Herco Mersiha, s.r.



TARIFA OPĆINSKIH ADMINISTRATIVNIH TAKSA

I – PODNESCI

Tarifni broj 1:

Na zahtjeve, molbe, prijedloge, prijave i druge podneske, ako ovim tarifama nije propisana druga taksa, plaća se.....3,00 KM

NAPOMENA:

Taksa po ovom tarifnom broju ne plaća se na podneske kojima stranka zahtjeva brže postupanje po ranijem podnesenom zahtjevu.

Tarifni broj 2:

Za žalbu protiv rješenja..... 10,00 KM

II – RJEŠENJA

Tarifni broj 3:

1. Za izdavanje rješenja za produženo radno vrijeme ugostiteljskog objekta50,00 KM
2. Za sva rješenja za koja nije propisana posebna taksa.....20,00 KM

NAPOMENA:

1. Ako se donosi jedno rješenje po zahtjevu više lica taksa po ovom Tarifnom broju plaća se onoliko puta koliko ima lica kojima se rješenje dostavlja.
2. Ne plaća se taksa za rješenja donesena po žalbama.

III – TAKSE KOJE PLAĆAJU PRIVREDNA DRUŠTVA U POSTUPKU UTVRĐIVANJA ISPUNJENOSTI POTREBNIH USLOVA ZA OBAVLJANJE REGISTROVANE DJELATNOSTI

Tarifni broj 4:

Za izdavanje rješenja o ispunjavanju potrebnih uslova za:

- | | |
|--|-----------|
| 1. Poslovno sjedište privrednog društva..... | 100,00 KM |
| 2. Trgovina na veliko i pružanje trgovinskih usluga..... | 200,00 KM |
| 3. Trgovina na veliko..... | 200,00 KM |
| 4. Trgovina na malo (benzinska pumpna stanica, robna kuća
samoposluga)..... | 200,00 KM |
| 5. Ostale trgovine na malo..... | 100,00 KM |
| 6. Obavljanje registrovane ugostiteljske djelatnosti..... | 100,00 KM |
| 7. Obavljanje ostalih djelatnosti..... | 150,00 KM |

Tarifni broj 5:

Za izdavanje rješenja o ispunjavanju minimalnih i drugih uslova

nekategorisanih ugostiteljskih objekata.....200,00 KM

IV – TAKSE IZ OBLASTI SAMOSTALNOG OBAVLJANJA PRIVREDNIH DJELATNOSTI

Tarifni broj 6:

Za izdavanje rješenja o ispunjavanju minimalnih i drugih uslova

nekategorisanih ugostiteljskih objekata.....200,00 KM

Za izdavanje rješenja o ispunjavanju minimalnih i drugih uslova

trgovačkog objekta tipa:

- | | |
|---|-----------|
| 1. benzinska pumpna stanica, robna kuća, samoposluga..... | 200,00 KM |
| 2. ostale trgovačke radnje..... | 100,00 KM |

Za izdavanje rješenja o ispunjavanju minimalnih i drugih uslova

obrtničke radnje..... 50,00 KM

Tarifni broj 7:

Za izdavanje rješenja za osnivanje ugostiteljske radnje i pružanje

ugostiteljskih usluga.....100,00 KM

Tarifni broj 8:

Za izdavanje rješenja za osnivanje trgovačke radnje.....100,00 KM

Tarifni broj 9:

Za izdavanje rješenja za osnivanje obrtničke radnje-obavljanje

obrtničke djelatnosti..... 50,00 KM

Tarifni broj 10:

Za izdavanje odobrenja za obavljanje:

- | | |
|---|----------|
| 1. javni prijevoz putnika – taksi prijevoz..... | 50,00 KM |
| 2. javni prijevoz tereta | 50,00 KM |
| 3. prijevoz za vlastite potrebe..... | 50,00 KM |

Tarifni broj 11:

Za izdavanje rješenja:

- izmjena predmeta poslovanja, firme, sjedišta, načina obavljanja
odobrene djelatnosti.....50,00 KM

- privremena obustava obavljanja odobrene djelatnosti.....30,00 KM
- trajna odjava rada samostalne radnje, djelatnosti.....20,00 KM
- nastavak obavljanja djelatnosti po privremenoj obustavi.....30,00 KM
- ostale promjene nastale u toku poslovanja samostalnog
privrednika.....50,00 KM

Tarifni broj 12:

Za prijavu početka obavljanja odobrene privredne djelatnosti.....20,00 KM

Tarifni broj 13:

- Za izdavanje uvjerenja iz evidencije samostalnog privrednika.....5,00 KM
- Za ovjeru trgovačkih knjiga.....10,00 KM
- Za ovjeru normativa u ugostiteljskoj djelatnosti..... 5,00 KM
- Za ovjeru cjenika u ugostiteljskoj djelatnosti..... 5,00 KM
- Za ovjeru izmjene normativa u ugostiteljskoj djelatnosti..... 5,00 KM
- Za ovjeru izmjene cjenika u ugostiteljskoj djelatnosti..... 5,00 KM

V – TAKSE IZ OBLASTI VODOPRIVREDE

Tarifni broj 14:

- Za izdavanje vodoprivredne dozvole ili vodoprivredne saglasnosti..30,00 KM
- Zahtjev za utvrđivanje vodoprivrednih uslova..... 10,00 KM

VI – UVJERENJA

Tarifni broj 15:

Za uvjerenja koja se izdaju na osnovu službene evidencije, ako nije drugačije propisano plaća se taksa u iznosu..... 5,00 KM

VII – IZVODI IZ MATIČNE EVIDENCIJE

Tarifni broj 16:

- Za izdavanje izvoda iz matične knjige rođenih.....4,00 KM
- Za izdavanje izvoda iz matične knjige vjenčanih.....4,00 KM
- Za izdavanje izvoda iz matične knjige umrlih.....4,00 KM
- Za izdavanje uvjerenja iz evidencije državljana.....4,00 KM
- Za izdavanje izvoda i uvjerenja na internacionalnim obrazci10,00 KM
- Za ostala uvjerenja-potvrde, ako nije drugačije propisano..... 5,00 KM

VIII – OVJERE

Tarifni broj 17:

- Za ovjeru potpisa po svakom potpisu..... 5,00 KM
- Za ovjeru kopija i rukopisa do pet stranica originala 1,00 KM
- Za ovjeru kopija i rukopisa preko pet stranica originala..... 0,50KM
- Za ovjeru autentičnosti rukopisa ili potpisa na punomoći..... 5,00 KM
- Za ovjeru kopija rješenja o registraciji privrednog društva
(bez obzira na broj stranica)..... 5,00 KM
- 5. Za ovjeru kopija lične karte, putne isprave, iskaznice, legitimacije,
vozačke i saobraćajne dozvole..... 2,00 KM
- 6. Za ovjeru izjave o zajedničkom domaćinstvu (kućna lista)..... 2,00 KM
- 7. Za ovjeru potpisa i rukopisa van službenih prostorija
po svakom potpisu.....10,00 KM

8. Za izdavanje potvrda o porodičnom stanju za inostranstvo..... 10,00 KM

NAPOMENA:

Prilikom ovjere više primjeraka istih dokumenata i akata svaki slijedeći primjerak se plaća po 1,00 KM.

Prilikom ovjere kopija rukopisa i prijepisa pisanih na stranom jeziku plaća se dvostruka taksa iz ovog Tarifnog broja.

Tarifni broj 18:

Za izradu prijepisa službenih akata po stranici prijepisa.....10,00 KM

IX – ARHIVA

Tarifni broj 19:

- Za izdavanje kopija dokumenata iz općinske arhive.....10,00 KM
- Za dostavljanje informacije po Zakonu o slobodi pristupa informacijama plaća se za svaku stranicu standardne veličine koja prelazi 10 prvih besplatnih stranica..... 0,50 KM
- 3. Po disketi za elektronsku dokumentaciju 5,00 KM.

X – TAKSE IZ OBLASTI PROSTORNOG UREĐENJA I GRAĐENJA

Tarifni broj 20:

- Za uvjerenje iz službene evidencije..... 2,00 KM
- Za izdavanje odobrenja za građenje, promjenu namjene izgrađenih objekata, odobrenja za upotrebu izgrađenih objekata plaća se taksa prema vrijednosti objekta.....0,50/00 (promila)
- 3. Za izdavanje urbanističke saglasnosti 10,00 KM,
- 4. Za izdavanje izvoda iz plana prostornog uređenja.....5,00 KM
- 5. Za izradu ažurne geodetske podloge sa ucrtanom građevinom (poslovni i stambeno-poslovni objekti)50,00 KM
- 6. Za izradu ažurne geodetske podloge sa ucrtanom građevinom (ostale vrste objekata)..... 30,00 KM

NAPOMENA:

Taksa po ovom Tarifnom broju ne može iznositi više od 300,00 KM.

Bosna i Hercegovina
Federacija Bosne i Hercegovine
Zeničko-Dobojski Kanton
OPĆINA BREZA
Općinsko vijeće

Na osnovu člana 13. stav 2. alenija 5. Zakona o principima lokalne samouprave („Službene novine FBiH“, broj 49/2006), člana 115. stav 2. Statuta Općine Breza („Službeni glasnik Općine Breza“, broj 10/07) i člana 126. Poslovnika o radu Općinskog vijeća („ Službeni glasnik općine Breza broj 3/11- prečišćeni tekst) ,Komisija za Statut i propise Općinskog vijeća Breza, na sjednici održanoj 18.12.2014. godine, utvrđuje:

O D L U K U**o privremenom zauzimanju javnih površina na području Općine Breza****(Prečišćeni tekst)****I – OPĆE ODREDBE****Član 1.**

Ovom odlukom utvrđuje se šta se smatra javnom površinom, način korištenja javne površine, izdavanje odobrenja za zauzimanje javne površine i nadzor nad provođenjem ove odluke.

Član 2.

Javnim površinama u smislu ove Odluke, smatraju se:

1. ulice, trotoari, putevi, staze, prilazi, pasaži, trgovi, stepeništa van zgrada, parkirališta, pristupni platoi i pješačke staze,
2. zelene površine, parkovske staze, drvoredi, prirodna područja, travnjaci i slično,
3. autobuska i taksi stajališta,
4. neograđene površine, dvorišta stambenih i stambeno-poslovnih objekata u društvenoj svojini, koje ne služe redovnoj upotrebi zgrada odnosno objekata,
5. otvoreni pijačni i tržišni prostori,
6. sportski, rekreativni i zabavni tereni na otvorenim prostorima,
7. neizgrađeno građevinsko zemljište.

Član 3.

Javne površine mogu se davati na privremeno korištenje za sljedeće namjene:

1. Za postavljanje ljetnih bašti, odnosno postavljanje stolova i stolica uz postojeći ugostiteljski objekat,
2. Za postavljanje svih vrsta tezgi, stolova i sl. pokretnih objekata, radi obavljanja prodaje i propagande,
3. Za postavljanje aparata i uređaja za prodaju osvježavajućih pića (mikseri, sladoleda, pečenja, prodaja kestenova, kokica i slično),
4. Za pružanje usluga, čišćenja obuće, vaganje, fotografisanje, pokretnu prodaju srećaka, novina i slično,
5. Za privremeno uskladištenje i prodaju poljoprivrednih proizvoda, mašina, građevinskih mašina, ogrijeva i slično,
6. Za postavljanje građevinskih skela,
7. Za organizovanje parkirališta i taksi stajališta,
8. Za parkiranje vozila iz kojih se neposredno obavlja prodaja,
9. Za postavljanje cirkusa, luna-parkova, ringišpila i drugih uređaja za zabavu,
10. Za postavljanje reklamnih panoa,
11. Slobodno - stojeće bašte.
12. Za zauzimanje javne površine i na bilo koji drugi način u svrhu obavljanja privrednih i drugih djelatnosti do privođenja iste konačnoj namjeni utvrđenoj u planskom dokumentu i sva druga privremena zauzimanja javnih površina na području općine Breza.

Član 4.

Zauzimanje javnih površina vrši se po zahtjevu stranke, a u skladu sa članom 3. ove Odluke.

Član 5.

Uz zahtjev za izdavanje odobrenja za zauzimanje javne površine, potrebno je priložiti:

- a) za zauzimanje javne površine iz člana 3. tačke 2. i 3. dokaz da ima odobrenje djelatnosti za koju se traži zauzimanje javne površine lica, koja imaju prebivalište van Breze, odnosno akt o registraciji preduzeća po kojoj je registrovan za obavljanje djelatnosti za koju traži zauzimanje javne površine:
- uvjerenje o izmirenju poreskih obaveza,
 - situaciju okolnog prostora sa ucrtanim mjestom koje se koristi,
 - sanitarnu saglasnost (za lociranje rashladnih uređaja).
- b) Za fasadnu skelu i deponovanje građevinskog materijala:
- građevinsku dozvolu,
 - skicu zauzimanja dijelova javne površine.

Član 6.

Odobrenje za zauzimanje javne površine može se izdati, ako su ispunjeni sljedeći uslovi:

- da zauzimanje javne površine ne ometa bezbjednost odvijanja motornog i pješačkog saobraćaja,
- da se ne ometa pristup okolnim objektima, podzemnim i drugim instalacijama,
- da se ne uništavaju zelene površine, ali se izuzetno može izdati odobrenje za zauzimanje javne površine u periodu od 01.05. do 30.09. tekuće godine.
- da podnosilac zahtjeva posjeduje dokumentaciju navedenu u članu 5. i 6. ove Odluke.

Član 7.

Rješenjem nadležnog organa izdaće se odobrenje za zauzimanje dijelova javne površine i utvrditi obaveze plaćanja naknade za istu.

Odobrenjem za zauzimanje dijelova javne površine, određuje se lokalitet, dimenzije i vremenski period zauzimanja javne površine.

Nakon isteka važnosti rješenja, podnosilac zahtjeva može tražiti izdavanje novog rješenja.

Član 8.

Za zauzimanje dijelova javne površine, podnosilac zahtjeva je dužan prije dobivanja odobrenja za zauzimanje javne površine izvršiti plaćanje odgovarajuće naknade.

Član 9.

U odobrenju za zauzimanje dijela javne površine u cilju rješenja radova na čišćenju, opravci vanjskih dijelova zgrada i njihovo uređenje (krova, oluka, fasade i slično) utvrdit će se obaveza za izvođača radova da u svrhu upozorenja učesnika u saobraćaju mora na mjestu izvođenja radova postaviti propisane oznake, po kojima će biti vidljivo da je prolaz opasan. Ako se prilikom izvođenja radova ošteti javna površina, izvođač je dužan izvršiti opravku u roku od 48 sati od časa nastanka iste.

U slučaju da izvođač u određenom roku ne izvrši opravku, organ nadležan za izdavanje odobrenja izdaće nalog ovlaštenoj organizaciji za opravku oštećenih površina o trošku izvođenja radova.

Član 10.

Odobrenjem za zauzimanje dijela javne površine za slaganje i pripremu građevinskog materijala utvrdiće se obaveza izvođača radova da zauzetu javnu površinu ogradi i označi propisanim znacima i time omogući bezbjedan prolaz pločniku i ulicom, te da ne ometa odvijanje saobraćaja kao i da ne vrši oštećenje zgrade, ulice i pločnika.

Građevinski materijal se mora složiti i u redu držati, a osim toga mora se obezbjediti i normalno oticanje oborinskih voda.

Za sve eventualne štete odgovoran je izvođač radova.

Član 11.

Organ uprave može izdati odobrenje za zauzimanje dijela javne površine ispred poslovnog prostora preduzeća radi prodaje njegovih proizvoda u skladu sa članom 5. ove Odluke.

Član 12.

Organ uprave može izdati odobrenje za korištenje javne površine radi:

- prodaje čestitki povodom državnih praznika, nedjelje Crvenog krsta i slično, te
- prodaje ulaznica za sportske i druge kulturno-zabavne manifestacije, a pod uslovima predviđenim ovom Odlukom.

Član 13.

Zauzeta javna površina ne može se koristiti protivno namjeni za koju je izdato odobrenje za zauzimanje javne površine, niti dati na korištenje drugom licu.

U slučaju da se javna površina koristi suprotno odredbama prethodnog stava nadležni organ će donijeti rješenje o oduzimanju javne površine.

Član 14.

Iznos naknade za zauzimanje javne površine utvrdit će Općinski načelnik svojim aktom, na prijedlog Službe za prostorno uređenje, zaštitu okoliša, geodetske i imovinsko-pravne poslove.

II – N A D Z O R

Član 15.

Nadzor nad provođenjem ove Odluke vrši općinska služba za inspekcijske poslove.

III – PRELAZNE I ZAVRŠNE ODREDBE

Član 16.

Stupanjem na snagu ove Odluke, prestaje da važi Odluka o privremenom zauzimanju javnih površina na području Općine Breza broj: („Službeni glasnik Općine Breza, broj 5/08, 2/11, 4/14 i 5/14),

Član 17.

Prečišćeni tekst Odluke o privremenom zauzimanju javnih površina na području Općine Breza, obuhvata Odluku o privremenom zauzimanju javnih površina na području Općine Breza („ Službeni glasnik Općine Breza“, broj 5/08), Odluka o dopuni odluke o privremenom zauzimanju javnih površina na području Općine Breza („Službeni glasnik Općine Breza“, broj 2/11), odluka o izmjeni i dopuni Odluke o privremenom zauzimanju javnih površina na području Općine Breza („ Službeni glasnik Općine Breza“, broj 4/14), Odluku o izmjeni i dopuni odluke o privremenom zauzimanju javnih površina na području Općine Breza („Službeni glasnik Općine Breza“, broj 5/14)

Član 18.

Ova Odluka stupa na snagu danom objavljivanja u „Službenom glasniku Općine Breza“.

Broj:01/1-02-2930/14

Breza, 18.12.2014. godine

Predsjednik Komisije za Statut i propise
Mamela-Herco Mersiha, s.r.

S A D R Ź A J

- 163.Odluke o određivanju naseljenih mjesta u kojima je obavezno određivanje imena ulica na području općine Breza, (Prečišćeni tekst).
- 168.Odluka o građevinskom zemljištu, (Prečišćeni tekst).
- 183.Odluka o javnim priznanjima Općine Breza, (Prečišćeni tekst).
- 186.Odluka o komunalnim taksama, (Prečišćeni tekst).
- 191.Odluka o komunalnom redu, (Prečišćeni tekst).
- 213.Odluka o načinu obrazovanja cijena komunalnih proizvoda i usluga individualne potrošnje, (Prečišćeni tekst).
- 218. Odluka o općinskim administrativnim taksama, (Prečišćeni tekst).
- 225. Odluka o privremenom zauzimanju javnih površina na području Općine Breza,(Prečišćeni tekst).

